



新刊監本冊府元龜卷第二百九十一

宗室部

立功第一

北齊清河王岳中興初為武衛將軍高祖與四胡戰于韓陵高祖將中軍高昂將左軍岳將右軍中軍敗績賊乘之岳舉麾大呼橫衝賊陣高祖方得迴師表裏奮擊因大破賊武定元年為晉州刺史侯景叛文襄徵岳共圖取景之計而梁乘間遣其占陽侯明率眾於寒山擁泗水灌彭城與景為犄角聲援岳摠率諸軍南討與行臺慕容紹宗等擊明大破之臨陣擒明及其大將胡貴孫其余俘馘數萬景乃擁眾於渦陽與左衛將軍劉豐等相持岳還軍追討又破之景單騎逃竄又為使持節河南總

管大都督慕容紹宗劉豐等討王思政於長杜思政堅城自  
守岳等引洧水灌城紹宗劉豐為思政所獲關西出兵援思政  
岳內外防禦甚有紀律城不沒者三板會文襄親至城乃下獲  
思政等以功別封真定男任城王湝為清州刺史崔蔚波等夜  
襲州城湝部分倉卒之際咸得齊整擊賊大破之

蘭陵武王長恭為并州刺史突厥入晉陽長恭盡力擊之芒山  
之戰長恭為中軍率五百騎深入周軍遂至金墉城下被圍甚  
急城上下弗識長恭免胄示之刀下拏救之於是大捷武士  
共誦謠之又為段韶討百谷攻定陽前後以戰功別封鉅鹿長  
樂樂平高陽等郡公

安德王延宗後主世為大尉及平陽之役後主自禦之命延宗  
率右軍先戰城下擒周開府宗挺及大戰延宗以麾下再入周  
師莫不披靡諸軍敗延宗軍獨全

後周章武公遵大祖入關嘗從征伐大祖討侯莫陳悅以遵為  
都督鎮原州及悅走故寒遵追斬之傳首京師魏文帝之東伐  
留遵為華州刺史及趙青雀與伏德慕容思慶等作亂遵自華  
州率兵擊之擒伏德斬思慶進屯渭橋會大祖事平進爵章武  
公

晉蕩公護初從大祖擒竇泰復弘農破沙苑戰河橋並有功為  
鎮東將軍後與于謹征江陵為前鋒收城鎮擒侯騎斷江津收  
舟艦以待大軍之至因而克之襄陽蠻師向天保等万有餘落  
恃險作梗及師還護率軍討平之

宇文貴為大將軍時羗酋傍乞鐵念因梁企定之反據有渠株川與渭州人鄭五醜扇惑諸羗同反太祖令貴討平之斬鐵念五醜於渠株川置岷州朝廷美其功遂於粟坂立碑以紀其績齊殤王憲保定中為雍州牧及晉公護東伐尉遲迥為前鋒圍洛陽憲達奚武王雄等軍於邛山其餘諸軍各分守險齊軍於萬奄出軍後諸軍恠駭並各退散唯憲與雄等率衆拒之雄為齊人所敗三軍震懼憲親自督勵衆心乃安天和四年齊將斛律明月率衆四萬築壘洛南五年憲涉洛邀之明月遁走憲追之反于安業屢戰而反是歲明月又率大衆於汾北築城西至龍門六年憲率衆六萬出自龍門齊將新蔡王王康德以憲兵至潛軍宵遁憲乃西歸仍掘移汾水南堡壁復入於齊人謂憲大潰其夜齊主遁走憲輕騎追之既及永安高祖續至齊人收其餘衆復據高壁及洛女若高祖命攻洛女破之明日與憲大軍會于介休齊主遂奔鄴留其從兄安德王延宗據并州延宗因僭號高祖圍其城憲攻其西面克之延宗擒明年進尅鄴城齊任城主潛廣寧王孝珩據信都有衆數萬高祖復詔憲討之仍令齊王手書與潛曰朝廷遇締甚厚諸王無恙叔若釋甲則無不優潛不納乃大開賞募多出金帛沙門求為戰士者亦數千人憲軍過趙州潛令間諜二人覘視形勢侯騎執以白憲憲乃集齊之舊將遍示二人又謂之曰吾所爭者大不在汝等今放汝還可即克我使乃與潛書曰山川有間每深勞思仲春屆節納履惟宣承始戒兩河圍三魏二者交戰想無虧德昔魏曆

云李海內橫流我大祖撫運乘時大庇黔首皇上嗣膺下武式  
隆景業興稽山之會總盟津之師雷駭唐郊則野無橫陣雲騰  
晉水則地靡嚴城襲魏之首既奔竄於草澤竊號之長亦委命  
於旌門德義振於無垠仁風被於有截彼朝宿將舊臣良家戚  
里俱升榮寵皆縻好爵是使臨漳之下効死爭驅營丘之前奮  
身畢命此豈惟人事抑亦天時宜訪之道路無俟傍說吾不武  
任總元戎受命安邊路指幽冀列邑名藩莫不屈膝宣風遵禮  
皆荷來蘇足下高氏令王英風夙著古今成敗備諸懷抱豈不  
知一木不維大廈三練可以逃身哉且殷微去商侯服周代項  
伯背楚賜姓漢朝去此弗圖苟殉亡轍家破身殞為天下笑又  
足下謀者為侯騎所拘軍中情實且諸執事知以弱卒瑣甲歆

不及遠遂弛邊備憲乃渡河攻其伏龍等四城二日盡收又進  
攻張壁克之獲其軍實夷其城壘斛律明月時在葦谷不能救  
之乃北攻姚襄城陷之時汾州又見圍日久糧援路絕憲遣柱  
國宇文盛運粟以饋之憲自入兩乳谷襲克齊栢杜城進軍姚  
襄齊人嬰城固守憲使柱國譚公會築石殿城以為汾州之援  
齊平原王段孝先蘭陵王高長恭引兵大至憲命將士陣而待  
之將軍韓歆為齊人所乘遂以奔退憲身自督戰齊衆乃退命  
日暮乃各收軍高祖東征憲衆為前軍趣黎陽高祖親圍河河  
陰未克憲改振武濟軍圍洛口拔其東西二城高祖疾乃班師  
五年大軍又東伐憲以精騎二萬復為前鋒守雀鼠谷高祖圍  
晉州進兵剋洪洞永安二城及師還憲為後拒齊主自率衆來

追至於高梁橋憲以精騎二千阻水為陣與開府宇文忻各統精卒百騎為殿以拒之斬其騎將賀蘭豹子山褥懷等百餘人齊人乃渡汾而西及高祖於王壁高祖又令憲率兵六萬還援晉州齊主攻圍晉州晝夜不息間諜還者或云已陷憲乃遣柱國越王盛大將軍尉遲迴開府宇文神舉等輕騎一萬夜至平州憲進據蒙坑為其後援知城未陷乃歸涑州尋而高祖東轅次于高顯憲率所部先回晉州明日諸軍大集稍逼城下齊人亦大出兵陣於營南高祖召憲馳往觀之憲反命曰易與耳請破而後食帝悅曰如汝所言吾無憂矣內史柳昂私謂憲曰賊亦不少王安得輕之憲受委前鋒情兼家國掃此逋寇事等摧枯商周之事公所知也賊雖衆其如我何既而諸軍俱進應時抗堂堂之師縈帶扞城莫保區區之命戰非上計無待卜疑守乃下策或未相許已勒諸軍分道並進相望非遠憑軼有期兵交命使古今通典不俟終日所望知機也憲至信都登張耳冢以望之俄而潛領軍尉相願偽出路陣遂以衆降相願潛之心腹也衆駭因破之擒潛及孝珩汝南公慶從武帝拔晉州齊兵大至慶與齊王憲輕騎覘卒與賊窘憲挺身而遁慶退據汾橋衆賊爭進射之所中人馬必倒賊乃稍却及拔高壁剋并州下信都擒高潛功並居最馬

宇文神舉為司武上大夫武帝親戎北伐令神舉與原國公姚願等率兵五帝俱入帝至雲陽疾甚乃班師幽州人盧昌期英伯等聚衆據范陽反詔神舉率兵討擒之又值稽胡反叛入寇

西河神舉又率衆與越王盛討之時突厥與稽胡連和遣騎赴  
救神舉以奇兵擊之突厥敗走稽胡於是款服即授并潞肆石  
等四州十二鎮諸軍事并州總管

隋河間王引高祖即位初突厥屢為邊患以引為行軍元帥率  
衆數萬出靈州道與虜相遇戰大破之斬數千級賜物二十段  
拜寧州總管

衛昭王爽高祖大舉北伐爽為元帥時河間王引豆盧勣竇榮  
定高穎虞慶則等分道而進俱受爽節度爽親率李元節等四  
將出朔州遇涉鉢略可汗於白道接戰大破之虜獲千餘人驅  
馬牛羊鉅萬涉鉢略可汗中重瘡而遁高祖大悅賜爽貞食梁  
安縣千戶

蔡王智積大業中為弘農太守楊玄感作亂自東都引軍西智  
積謂官屬曰玄感聞大軍將至欲圖關中若成其計則根本固  
矣當以計縻之使不得進不出一旬自可擒耳及玄感以軍至城  
下智積登陴詈辱之玄感怒甚留攻之城門為賊所燒智積乃  
更益火賊不得入數日宇文述等援軍至合擊破之

越王侗大業中楊玄感作亂之際與民部尚書樊子蓋拒之及  
玄感平潮於高陽拜高陽太守

唐淮安王神通隋末義師起隋人捕之神通乃與京師大俠史  
萬寶河東裴勣柳崇禮等舉兵應義師遣使與司竹賊帥何潘  
仁連結潘仁奉平陽公主而至神通與之合勢進下鄆縣衆踰  
一萬高祖聞之大悅受光祿大夫從平京師為宗政卿武德二

年攻字文化及之魏縣斬其武賁郎將王敏等獲其將軍李白  
文俘二千餘人

襄邑王神符武德四年為并州總管突厥頡利可汗率眾來寇  
神符出與戰於汾水東敗之斬首五百級虜其馬二千匹又戰  
其沙河之北獲其乙利達官并可汗所乘馬及甲獻之由是召  
拜大府卿

河間王孝恭高祖定京師拜左光祿大夫為山南道招討大使  
自金州出於巴蜀招攜以禮降附者三千餘州孝恭進擊朱粲  
破之武德三年將圖蕭銑以孝逸為荆湘道行軍總管統水陸  
十二總管發硤州進軍江陵攻其水城克之高祖大悅拜孝恭  
則州大總管使畫工貌而視之荆襄雖定嶺表尚未悉平孝恭

分遣使撫慰嶺南四十九州皆來款附及縡公柘據江東反發  
兵寇壽陽命孝恭為行軍元帥以擊之七年孝恭自荊州趣九  
江時李靖李勣黃君漢張鎮州盧祖尚並受孝恭節度公柘遣  
其偽將馮惠亮陳當時領水軍屯于博望山陳正通徐紹宗率  
步騎于青林山孝恭至堅壁不與鬪使奇兵斷其糧道賊漸餒  
夜薄我營孝恭安卧不動明日縱羸兵以攻賊壘使盧祖尚率  
精騎列陣以待之俄而攻壘者敗走賊出追奔數里遇祖尚軍  
與戰大敗之正通棄營而走復與馮惠亮保梁乘勝攻之破其  
梁山別鎮赴水死者數千人正通率六軍夜遁總管李勣又下  
廣陵城拔楊子鎮公柘窮蹙棄丹陽東走孝恭命騎追之至武  
康擒公柘及其偽僕射西門君儀等江南悉平自太業末群雄

魏起皆為太宗所平謀臣猛將並在麾下罕有別立勳庸者唯  
孝恭著方面之功聲名甚盛厚自崇重欲以威名鎮遠築宅於  
石頭廬徼以自衛

淮陽王道玄武德元年授右金牛將軍從太宗擊宋金剛于介  
州先登陷陣時年十五太宗壯之賞物千段後討王世充頻戰  
皆捷竇建德至武牢太宗輕騎誘賊令道玄率伏兵於道左會  
賊至追擊破之又從太宗轉戰於汜水麾戈陷陣直出賊衆披  
靡復衝突而歸太宗大悅命副乘以給之玄又從太宗赴賊再  
出飛矢亂下箭如蝟毛猛氣益厲射人無不應弦而倒東都平  
拜洛州總管

江夏王道宗武德元年從太宗討劉武周戰于介州一戰滅之

從平竇建德破王世充屢有殊効五年授靈州總管梁師都據  
夏州遣弟洛兒引突厥兵數萬至於城下道宗閉門拒宗伺隙  
而戰賊徒大敗高祖聞而嘉之貞觀三年為大同道行軍總管  
遇李靖襲破頡利可汗頡利以十餘騎來奔其部道宗引兵逼  
之獲其把都頡利以數騎夜走匿於荒谷沙鉢羅俱馳之獲之  
遣使送于京師以功賜實封六百戶為刑部尚書及吐渾寇邊  
詔右僕射李靖為崑丘道行軍大總管道宗與吏部尚書侯君  
集為之副賊聞兵至走入嶂山已行數千里諸將議欲息兵道  
宗固請追討李靖然之而君集不從道宗遂率偏師并行倍道  
去大將軍十日追及之賊據險苦戰道宗遂率千餘騎踰山襲  
其後賊表裏受敵一時奔潰貞觀五年突厥斛薛部叛於靈州

道宗與霍國公紫紹追擊破之虜男女六畜萬餘後大軍討高麗令道宗與李勣為前鋒濟遼水尅盖牟城逢賊兵大至軍中僉欲深溝保險待太宗至徐進道宗曰不可賊赴急遠來兵實疲頓恃衆輕我一戰必摧昔耿弇不以賊遺君父我旣職在前軍當須清道以待興駕李勣然之乃與壯士數十騎直衝賊陣左右出入勦同合擊大破之太宗至深加勞賞

齊王元吉武德四年從太宗討王克時竇建德兵援克太宗自出拒之留元吉與突厥通圍王克於東都克出兵拒戰元吉設伏擊破之斬首八百級生擒其大將軍樂仁坊甲士餘人

吳國公孝逸則天朝為左衛將軍光宅元年徐敬業據揚州作亂孝逸為左玉鈴衛大將軍揚州大總管督軍以討之孝逸引軍至淮而敬業方南攻澗州遣其弟敬猷屯兵淮陰偽將常起據都梁山以拒孝逸都將馬敬臣擊斬之別率尉遲昭夏侯瓚超乃擁 憑山以自固孝逸乃進兵擊超賊衆壓伏官軍登山急擊之殺數百人日暮圍解超御枚夜遁孝逸引兵擊淮陰又破敬猷之衆時敬業迴軍屯於下阿溪以拒官軍孝逸度溪以擊之敬業初勝後敗孝逸乘勝追奔數十里敬業窘迫與其黨攜妻子逃入海曲孝逸進據揚州盡捕斬敬業等振旅而還以功進授鎮軍大將軍

信安王禕玄宗開元十五年為左金吾大將軍朔方節度副大使知節度事先是石堡城為吐蕃所據侵擾河右詔禕與河西隴右議取之禕到軍總率士卒克期攻之或曰此城據險又為

吐蕃所惜今懸軍深入賊必併力據守事若不捷退則狼狽不  
如按軍持重以觀形勢禕曰人臣之節豈憚艱險必期衆寡不  
敵吾則以死繼之苟利國家此身何惜於是督率諸軍倍道兼  
進并力攻之遂拔石堡城斬獲首級并獲糧儲器械其數甚衆  
仍分兵據守以遏賊路帝聞之大悅始改石堡城為振武軍十  
九年契丹衙官可空于殺其王邵固率部落降于突厥玄宗以  
忠王為河北道行軍元帥以討奚及契丹兩蕃以禕為副王既  
不行禕率戶部侍郎裴輝卿等諸副將分道統兵馬兵出於范  
陽之北大破兩蕃之衆擒其酋長餘黨竄入山谷軍還以功開  
府儀同三司

禕子岷從玄宗幸蜀健兒郭千仞夜謀亂帝御玄英樓招諭不  
從岷與六軍兵馬使陳玄禮等討平之以功加金紫光祿大夫  
岐王範先天中以左羽林大將軍從玄宗討竇懷真蕭至忠等  
以功加賜實封滿五千

薛王業先天中以秘書監從玄宗幸宗肅宗為太子倓兄弟典  
親兵扈從車駕渡渭百姓遮邀乞留太子太子諭之曰至尊奔  
播吾不忍違離左右俟吾見上奏聞俟於行宮謂太子曰逆胡  
犯順四海亂離不因人情何以復興夫有國家者大孝尊若莫  
社稷今從至尊入蜀則散關以東非復皇家所有何以維屬人  
情殿下宜購募豪傑漸往河西收拾牧馬點集防邊將卒不下  
十萬人光弼于儀全軍河朔謀為興復計之上也廣平王亦贊  
言之於是令李護國奏聞玄宗欣然聽納乃分從官士卒以遣

之時敗卒膽破兵仗不完太子既北上渡渭一日百戰侯自選  
驍騎數百衛從每蒼黃顛沛之際血戰在前太子或時不得食  
侯涕泗不自勝太子尤憐之諸軍屬自焉

嗣曹王臯德宗建中年間為江西道節度使時李希烈反臯繕  
甲兵戰艦將兵二萬餘與賊侯西為軍令伊慎將先鋒臯率軍  
繼之大破賊斬首數百級賊又樹堡柵於蔡山臯度峻險不可  
攻乃聲言西取蘄州埋戰艦分傍南涯與舟師泝江而上賊以  
老弱守柵引軍循江隨戰艦南北與臯兵相直去蔡山二百餘  
里臯令步兵登舟順流東下不日拔蔡山賊還救間一日方至  
大破之因進拔蘄州降其將李良又取黃州斬級千餘兵益振  
舒王為元帥加臯前軍兵馬使德宗居奉天淮南節度使陳少  
遊強取益鐵錢其使包佶以財幣泝流次于岐口時希烈已屠  
汴州又遣驍杜將少誠將步騎萬餘來寇蘄黃將絕江道臯遣  
伊慎將七十衆禦之遇于永安城慎列三柵相去總四里列鼓  
角於中柵少城至分兵圍之部隊未嚴聲鼓而三柵齊出奮擊  
不為行陣賊亂少城敗走斬首萬級封為京觀使加銀青光祿  
大夫進封五百戶又遣伊慎王鐔將兵於安州州城阻瀆水為  
固攻之累不下希烈遣甥劉戒虛將步騎八千來援臯命李伯  
潛分迎擊於應山獲戒虛大將二裨將二千斬首千餘面縛戒  
虛等之城下乃使人說之賊得大將及賓佐二人為信當降臯  
乃使王鐔馬彘繩城而入城中大呼乃出降希烈又遣兵援隨  
州臯令伊慎擊於屬鄉大破之復平靜白鴈等關希烈惧乃戰

兵貞元初為江陵節度使江漢倚臯為固未幾李惠登以隨州降下州四縣十七大小十餘陣未嘗敗衄

梁柳王友裕唐末為宣武軍牙校景福元年總大軍伐徐時朱瑾領兗鄆之衆為徐戎外援陣於鼓門南石佛山下友裕進兵擊之斬獲甚衆瑾領殘當宵遁

安王友寧唐末太祖鎮汴累署軍職從太祖征討繼立軍功為柳州刺史太祖迎昭宗於岐下遣友寧部兵先歸於梁以備守禦屬青帥王師範構亂以關東諸鎮兵悉在岐隴欲乘虛竊發自齊魯至於葦下羅布姦黨詐以委諭貢奉為名陰與淮南沙門結好會有青人詣裴迪言其狀迪以事告友寧不俟命乃率兵萬餘人東討師範遣其弟將兵圍齊友寧引兵救之青寇大敗奪馬四千匹斬首數千級

密王友倫年十九為宣武軍校太祖征兗鄆友倫以前部兵收聚糧穀以濟軍須出滄軍至內黃友倫以前鋒夜渡河擊賊奪馬千匹擒斬甚衆因引軍往八議関逢晉軍萬餘騎友倫乃分布兵士多設疑軍因聲鼓誓衆士伍奮躍追斬數千里後李罕之以上黨來歸為晉軍所圍太祖遣友倫總步騎數萬越嶮救應遂大破晉軍天復元年岐隴用兵晉人乘虛侵於北鄙友倫率從兵三萬徑往礬山晉人望塵奔逸友倫與氏叔琮等躡其輒追至大原摩壘挑戰獲牛馬萬餘二年領所部兵西赴鳳翔前後累接戰以功為寧遠軍節度使

後唐李克讓武皇仲弟咸通中從獻祖討龐勛以功為振武都

統及王仙芝陷荆襄朝廷徵兵克讓率師平賊以功為金吾將軍  
李克脩武皇從父弟武皇入關討黃巢克脩為先鋒破黃揆於  
莘陰敗尚讓於梁田坡戰黃巢於光順門每戰皆捷其年潞州  
牙將安居受來乞師請復昭義武皇遣將以兵從與孟方立戰  
於銅鞮不利武皇乃令克脩將兵繼進平潞州斬其刺史李殷  
銳武皇表克脩為昭義節度使光啓二年九月克脩出師山東  
收復邢洛十一月拔故鎮孟方立遣將呂臻來援戰於焦崗大  
敗之擒呂臻俘斬萬計進拔武安臨洛諸屬縣乘勝圍邢州鎮  
州王鎔出師三萬援邢洛克脩軍乃退及李罕之來歸武皇授  
以澤州刺史與克脩合勢進功河陽連歲出師以苦懷孟方立  
遣將奚忠信將兵三萬襲寇遼州克脩設伏於遼之東山大敗  
賊軍擒忠信以獻

克脩子嗣肱少有膽畧累立戰功夾城之役從周德威為前鋒  
時兄嗣弼為昭義副使與李嗣昭守城兄弟內外奮戰忠力威  
壯感動三軍潞圍乃解以功加檢校僕射天祐八年與李存審  
援河中敗汴軍于胡堡壁獲汴將龐讓十年與李存審屯趙州  
擊汴人於觀津時梁祖新屠棗彊其將賀德倫急攻脩縣梁祖  
率師五方合勢營於脩之西嗣肱自下博率騎三百薄晚與梁  
之樵芻者相雜日既晡入梁軍營門諸騎相合大譟彖矢星發  
虓鬪馳突汴人不知所為營大擾既暝歛騎而退是夜梁祖燒  
營而遁解脩之圍以功時授蔚州刺史十九年新州刺史王都  
叛入契丹嗣肱進軍定媯儒武等三州乃授山北都團練使

李克寧武皇季弟初從起雲中為奉誠軍使赫連鐸之攻黃花城也克寧武皇登城血戰三日矢盡力竭殺賊萬計燕軍之攻蔚州克寧昆仲嬰城拒敵晝夜輟寢食旬日從依輒達部及入關逐黃寇凡征行無不衛從

魏王繼岌在宗子同光三年伐蜀以繼岌為都統郭崇韜為招討使十月戊寅至鳳州武興軍節度使王承捷以鳳興文扶四州降甲申至故鎮康延孝收興州時偽蜀主王衍率親軍五方在利州令步騎之軍三萬逐戰於三泉康延孝李嚴以勁騎三千犯之蜀軍大敗斬首五千級餘各奔潰王衍聞其敗也棄利州奔歸西川斷吉栢津浮梁而去己丑繼岌至興州為蜀東川節度使宋光葆以梓綿劍龍普等州來降武定軍節度使王承肇以洋蓬壁三州符印降興元節度使王宗威以梁開通渠麟等五州符印送降階州王承納符印秦州節度使王承休棄城而遁辛丑繼岌過利州甲辰至劍州己酉至綿州王衍遣使上牋乞降丁巳入城都自具師出洛至定蜀計七十五日走凡之勢前代所無

李從諱明宗弟頗領親軍數戰有功官至檢校司空

李從璟明宗長子從莊宗於河上累有戰功莊宗器賞之用為金槍指揮使

新刊監本冊府元龜卷第二百九十二

宗室部

禮士

宗室部

禮士

宗室部

禮士

宗室部

新刊監本冊府元龜卷第二百九十二

宗室部 三十三

禮士

書曰位不期驕傳稱寵而能降者鮮矣蓋夫承榮天緒長於宮闈厭飫輕煖宴安富貴非明誠異稟卓爾不群者其孰能折節下士流譽於方來者哉自姬文好賢逮兩漢而下或優禮髦彥降志通逸置之於幕府待之以師友資以遺餉厚其供擬詢之政務接其游宴乃至列邸圖像以極於欽崇講學論文以申於博約原其尊賢好士之意其於進德隆道不亦多乎哉詩云彼交匪敖万福來求又曰宗子維城懷德維寧是之謂矣

周公旦曰我文王之子武王之弟成王之叔我於天下亦不賤

矣然我一沐三握髮一飯三吐哺起以待士猶恐失天下之賢人  
漢楚元王交少時嘗與穆生白生申公俱受詩於浮丘伯既至  
楚以穆生白生申公為中大夫王敬禮申公等穆生不啻酒讀  
者王每置酒常為穆生設醴

襲舍楚人也好學明經楚王入廟聞舍高名聘舍常侍

梁孝王武貴盛待士於是鄒陽枚乘嚴忌從孝王游

焦延壽字贛梁人也贛貧賤以好學得幸梁王梁王供其資用  
令極意學

後漢趙節王栩光武叔父趙王良之子聞樓望少習嚴氏春秋  
有稱鄉閭遣使齎王帛請以為師望不受

東平王蒼聞吳良名辟之為西曹蒼甚相敬愛之

北海王睦光武兄齊武王縯孫中興初禁網尚闊而睦性謙恭  
好士千里交結自名儒宿德莫不造門由是聲價益廣

魏陳思王植初封臨菑侯時邴卽淳博學有才名大祖召見甚  
敬異之植求淳大祖遣淳詣植植初得淳甚喜

白馬王彪雅好文學相賈洪善能談戲彪常師宗之過於三卿  
沛穆王林初封樵王黃初中隗禧為王郎中王宿聞其儒者常

虛心從學禧亦敬恭以授王由是大得賜遺

晉成都王穎推功不居勞謙下士陸機洛感全濟之恩又見朝  
廷屢有變難謂穎必能康隆晉室遂委身焉穎以機參大將軍  
事

河間王顥武帝時除吳聳為顥相聳清虛無欲進退以禮屢歷

清官顯素聞聲名厚敬禮之

東海王越討汲桑命苻晞為前鋒晞破汲桑定鄴而還越以晞復其讐耻甚德之引升堂結為兄弟

江統陳留人司徒左長史東海王越為兗州牧以統為別駕委以州事與統書曰晉王子師為豫州未下車辟荀慈明既下軍辟孔文舉貴州人士有堪應此者否統舉高平郗鑒為賢良陳留阮脩為直言濟北程牧為方正時以為知人

王承字安期東海王越鎮許以為記室參軍雅相知重勅其子毗曰夫學之所益者淺休之所安者深閑習禮度不如式瞻儀形諷味遺言不若親承音旨王參軍人倫之表汝其師之在府數年見朝政漸替辭以母老求出越不許

譙王承為湘州刺史長沙人虞悝與弟望並有士操承臨州知其名檄悝為長史未到遭母喪會王敦作逆承往吊悝因留與語曰吾前被詔遣鎮此州正以王敦專擅防其為禍今敦果為逆謀吾受任一方欲率所領馳赴朝廷而衆少糧乏且始到貴州恩信未著卿兄弟南夏之翹雋而智勇遠聞古人墨經即戎况今鯨鯢塞路王室危急安得罔極之情忘忠義之節乎如今起事將士器械可以濟否悝望對曰王敦居分陝之任一且構逆圖危社稷此天地所不容人神所忿疾大王不以猥劣枉駕訪及悝兄弟並受國恩敢不自奮今天朝中與人思晉德大王以宗子之親奉信順而誅有罪孰不荷戈致命但鄙州荒弊糧器空竭舟艦寡少難以進討宜且收衆固守專檄四方其勢必

分然後圖之事可捷也承以為然乃命惺為長史望為司馬  
司馬楚之東武侯廼八世孫也楚之年十七值劉裕誅夷司馬  
戚屬楚之乃亡於汝穎之間楚之少有英氣能折節待士  
馬順明道恭等所在聚黨及劉裕自立楚之規欲報復收眾據  
長社歸之者常萬餘人劉裕深憚之遣刺客沐謙圖害楚之楚  
之待謙甚厚謙夜詐疾知楚之必自來因欲殺之楚之聞謙病  
果自費湯藥徃省之謙感其意乃出七首於席下以狀告之曰  
將軍為裕所忌憚願不輕率以保全為先楚之嘆曰若如來言  
雖有所防恐有所失謙遂委身以事之其推誠信物得士之心  
皆此類也

宋臨川王道規為征西將軍王敬引為諮議參軍時府主簿宗  
協亦有志趣道規並以事業相期常共酣飲致醉敬引因醉失  
禮為外司所白道規引還重申初讌

道規子義慶嗣爵臨川王招聚文學之士遠近必至大尉袁淑  
才冠當時義慶在江州請為衛軍諮議參軍其餘吳郡陸展東  
海何長瑜鮑昭等並為辭章義慶引為佐史國臣大祖與義慶  
書常加意斟酌

彭城王義康為司徒錄尚書事府門日常有數百乘車雖位  
卑人微皆被引接

衝陽王義季為衡州刺史宗炳高尚有志操義季親至炳室與  
之歡讌命為諮議不起

戴顓字仲若性高尚居吳義季鎮口長史張邵與顓姻通迎來

止黃鵠山山北有竹林精舍林澗甚美顓憇于此澗義季亟從之遊顓服其野服不改常度

劉凝之隱居不仕時荊州年飢義季慮凝之餒餉錢十萬

江夏王義恭出鎮盱眙平原人劉懷珍為本州主簿義恭道過懷珍以應對見重取為驃騎長

始興王濬為揚州牧不親覽州事一以委沈璞大祖從容謂濬曰沈璞奉時無纖芥之失居家有孝友之稱學優才贍文義可觀而沈深守靜不求名譽甚佳汝一應委之以事乃宜引與晤對濬既素加賞遇又敬奉此旨璞賞作舊宮賦久而未畢濬與璞疏曰卿嘗有述舊宮賦何其淹邪想行就耳璞因事陳荅辭義可親濬重教曰向聊相敦問還曰斐然遂兼紙翰昔曹植有

言下筆成章良謂逸才吾遠慙楚元門盈中白之賓近愧梁孝庭列牧馬之客薄因末牘以代一面

建平王景素為征北將軍南徐州刺史以劉璉為征北主簿深見禮遇又以何昌寓為府主簿以風素見重景素好文章書籍招集才義之士傾身禮接以收名譽由是朝野翕然莫不屬意焉南齊豫章王嶷為中書監司空時陸慧曉為武陵王暉征虜功曹廬江何點薦慧曉於嶷補司空掾加以恩禮

劉繪為豫章王驃騎主簿繪聰警有文義善隸書數被賞召進對華敏僚吏之中見遇莫及琅邪王詡為攻曹以吏能自進嶷謂僚佐曰吾雖不能得應嗣陳蕃然閣下自有二驥也

何點永明元年徵為侍書郎豫章王命駕造門點從後門逃去

竟陵王子聞之曰豫章王尚不屈非吾所議遺點嵇叔夜酒杯  
徐景山酒甕以通意

穎川庾銑善屬文見賞於豫章王引至大司馬記室參軍

劉虬字靈預南陽人宋大始中仕至晉平王驃騎記室當陽令  
罷官歸家靜處斷穀餌木及胡麻建元初豫章王為荊州牧辟  
虬為別駕與同郡宗測司空庾易並遣書禮請虬等各脩牋荅  
而不應辟命永明三年刺史劉林王子卿表虬及同郡宗測宗  
尚之庾易劉昭五人請加蒲車束帛之命詔徵為通直即不就  
竟陵王子良致書通意虬荅曰虬四節卧病三時營灌暢餘陰  
於山澤託暮情於魚鳥寧非唐虞重恩周召宏施虬進不研機  
入玄無洙泗稷館之辨退不凝心出累非家間樹下之節遠澤

既灑仁規先著謹收樵牧之嫌敬加軼驅之義

庾易志性恬隱不交外物建元元年豫章王辟為驃騎將軍不  
就臨川王映臨州獨重上表薦之餉麥百斛易謂使人曰民樵  
採麋鹿之伍終其解毛之衣馳騁日月之車得保自耕之祿於  
大王之恩亦已深辭不受

宗測字敬微南陽人宋徵士炳孫也世居江陵測少靜退不樂  
人間豫章王復遣書請之辟為參軍測荅曰性同鱗羽受止山  
壑眷戀松筠輕迷人路縱宕巖流有若狂者忽不知老至而今  
鬢已白豈容課虛責於有限之時哉

杜栖吳郡錢塘人有至行能言刺史豫章王聞其名辟為議曹  
從事仍轉西曹佐竟陵王子良數致禮接

安成王暉以庾仲容為主簿時平原劉孝標亦為良佐並以強學為王所禮接

竟陵王子良以劉瓛儒學冠於當時子良親往脩謁表為瓛立館以楊烈橋故第給之生徒皆賀瓛曰室美豈為人哉此華宇豈吾宅哉幸可詔作講堂猶恐見害也未及從居遇病子良遣從瓛學者彭城劉繪順陽范縝將厨於瓛宅營齋

王融為中書郎會魏軍動子良於東府募人授融寧朔將軍主融文辭辨捷尤善屬綴有所造作援筆可待子良特相友好情分殊常

謝璟少與從叔眺俱知名子良開西邸招文學璟亦預焉子良有清尚禮才好士居不疑之地傾意賓客天下才士好學皆遊

集馬善立勝事夏月客至為設瓜飲及其果著之文孝士子文章及朝貴辭翰皆發教撰錄時梁高祖與沈約謝眺王融蕭琛范雲任防陸倕等並遊焉號曰八友

江革舉高等耽孝不倦王聞其名引為西邸學士

王瞻援太子舍人初為南海王友尋轉司徒竟陵王從事中郎王甚相賓禮

范縝為尚書殿中郎于時竟陵盛招賓客縝亦預焉

沈約為黃門侍郎與蕭陵蕭琛琅邪王融陳郡謝眺南鄉范雲樂山任防等皆遊焉當世號為得人

范雲字彥龍建元初子良為會稽太守雲始隨王王未之知也會遊秦望使人視刻石文時莫能識雲獨誦之王悅自是寵冠

府朝王為丹陽尹召為主簿深相親任  
王亮時為桂陽王文學南郡王友宗史少勤李有局幹歷臨川  
王常侍驃騎參軍竟陵王集學士於西邸使工圖畫其像亮史  
亦預焉

晉安王子愨戍石頭以張率為雲麾中記室王遷南兖州轉宜  
毅諮議參軍並兼記室王還都率除中書侍郎王為荊州復以  
率為宣惠諮議領記室出監豫章臨川郡率在府十年恩禮甚  
篤

劉遵為晉安王宣惠雲麾二府記室甚見賓禮

隋王子隆以謝朓為文學子隆在荊州好辭賦數集僚友朓以  
才文尤被賞愛流連晤對不捨日夕

梁建平王宏禮賢接士

始具忠武王瞻性勞謙常隆意接士與賓客連榻而坐時論稱  
之

安成王秀為江州刺史將發主者求堅船以為齋舫秀曰吾豈  
愛財而不愛士當以堅牢者給參佐下者載齋物既而曹風齋  
舫遂破時諸王並不下士建安安成二王尤好人物四方之士  
多歸之及至秀聞前刺史取徵士陶潛曾孫為里司秀歡曰陶  
潛之德豈可不及後世即日辟為西曹掾秀遷荊州刺史進號  
安西將軍下車立學校招隱逸下教曰夫鷄火之禽不匿影於  
舟穴昭華之寶不耀采於藍田是以江漢有濯淟之歌空谷著  
耒思之詠引風闡道靡不由茲處士河東韓懷明南平韓望南

郡庠承先河東郭麻並脫落風塵高蹈之士南韓之孝友純深  
庾郭之形體枯槁或豫飲青麩惟日不足或葭牆芟席樂在其  
中昔伯武貞堅就仕河內史雲孤特屈志陳留豈曰場苗實惟  
攻玉可加引避並遣喻意既同魏侯致禮之請庶無辟強三緘  
之歎

南平王偉初封建安王偉篤誠通恕趨賢重士常如弗及由是  
四方傑士當世知名者莫不畢至齊世青溪宮改為芳林苑天  
監初賜偉為第偉又加穿築增植嘉樹珍果窮一時之彫麗每  
與賓客遊其中命從事中郎蕭子軌為之記

何遜天監中起家奉朝請遷中衛建安王水曹行參軍兼記室  
王愛文學之士日與遊宴及遷江州遜猶掌書記

鄱陽王恢為益州刺史以羅研為別駕其後西昌嗣王範將西  
恢謂曰吾昔在蜀每事委羅研汝遵而勿失範至復以為別駕  
升堂拜接蜀人榮之

廬陵王續為荊州刺史以天門太守啟陽鎮代蠻左有功績深  
嘉之引為賓客

邵陵王綸出為江州刺史以太守叔明少善莊老兼治孝經禮  
記馮叔明之鎮王遷郢州又隨府所至輒授江外士人皆傳其  
學焉

孫塲少侗儻好謀略博涉經史為邵陵王水曹中兵參軍時王  
出鎮郢州蓋室隨府甚被賞遇

皇侃為國子助教丁母憂解職還鄉里邵陵王欽其學厚禮迎之

武陵王紀出鎮江州時江革為都官尚書紀乃曰我得江革文  
華清貧豈能一日忘之當與其同飽乃表革同行除明威將軍  
南中郎長史潯陽太守  
衡陽王元簡為會稽太守時何喬居秦望山元簡甚加禮敬及  
元簡去郡入山與喬送別至都賜埭去郡三里因曰僕自棄人  
事交遊踞斷自非降貴山藪豈容復望城邑此埭之遊於今絕  
矣執手涕零

臨城公大連出牧東揚州張彪率所領客馬始為訪問後為中  
兵參軍禮遇甚厚

陳永陽王伯智為吳郡太守本郡陸慶少好學遍通五經天嘉  
初徵為通直散騎侍郎不就伯智聞其名欲與相見慶固辭以  
疾時宗人陸榮為郡五官慶常詣馬王乃微服往榮家穿壁以  
觀之王謂榮曰觀陸慶風神凝峻殆不可測嚴君平鄭子真何  
以尚茲

鄱陽王伯山為江州刺史時徐伯陽為新安王記室伯陽嘗奉  
使造馬王率府僚與伯陽登正嶺置宴酒酣命筆武劇韻二十  
伯陽與祖孫登前城上賜以奴婢雜物

始興郡王伯茂謙恭下士  
建安王叔卿以虞寄為東中郎認議寄辭以疾不任旦夕王於  
是特令停王府公事其有擬議就以決之但朔望牋脩而已  
後魏衛王儀初封平原公先是上谷侯岌張袞代郡許諫等有  
名于時初入平原聞儀待士爭先就儀儀並禮之共談當世之

務謙等三人曰平原公有才才百世之畧吾等宜附其尾

江陽王繼次子羅字仲綱為青州刺史羅元又當朝專政羅望

傾四海於時才名之士王元景邢子才李獎等咸為其賓客從

遊青土

義楊王子孝愛士縉紳歸之賓客常滿座終日無倦

京兆王愉好文章頗著詩賦時才人宋世景李神雋祖營邢宴

王道業張始均等共申嘉宴招四方儒李賓客嚴懷真等數十

人館而禮之所得穀帛率多散施

任城王澄以高徽聰敏有氣幹深所知賞

杜弼中山曲陽人任城王澄為定州牧長史鄧琛簡試諸生而

弼義解閑明應答如響琛深歎服澄聞而召問琛相嗟賞許以

王佐之才澄還洛稱之於朝高陽王等更相招命

崔接放邁自高不拘常檢為中書博士樂陵內史雅為澄所禮

待及澄為定州刺史接了無人敬王忻然禮下之

張普惠為澄所知及轉諫議大夫澄謂普惠曰不喜君得諫議

唯喜諫議得君

北海王詳為司徒以前光州刺史崔挺為府司馬後詳攝選眾

人競稱孝弟以求遷叙挺獨無言詳大相稱歎自挺為司馬詳

未曾呼名常稱崔光州以示優禮

平原王叡雅有志業娶東徐州刺史博陵崔鑿女路經冀兗聞

李彪名而詣之脩師友之禮稱之於郡舉孝廉至京師館而受

業焉

業焉

清河王懌以韓子熙少自脩整頗有學識引為常侍母亡居喪有禮子熙為懌所眷遇遂闕位待其畢喪後復引用又以劉愆性沉雅厚重尤禮重愆令諸子師之

辛纂為大尉騎兵三軍每為懌所賞及欲定考懌曰辛騎兵有學有才宜為上第轉越騎校尉

廣陽王淵黃友勝因父遇害與弟俱奔于淵勝便弓馬有武幹淵厚待之表為強弩將軍充帳內軍士

中山王英平義陽獲馮亮南陽人博覽諸書又篤好佛理英素聞其名以禮待接亮至洛隱居嵩山感英之德以時展覲及英亡亮奔走盡其哀慟  
彭城王思以鹿念好兵書陰陽釋氏之學召為館客

宋世景遷總府法曹參軍總愛其才學雅相器敬

東陽王榮為瓜州刺史州人令孤整字延保幼聰敏沉深有識量學藝騎射並為河右所推榮辟為主簿加盪寇將軍整進趣詳雅對揚辨暢謁見之際州府傾目榮器整德望嘗謂僚屬曰令孤延保西州令望干城重器豈州郡之職所可繫維且一日千里必基武步寡人當委以庶務畫諾而已

北齊襄城王涓弱年有器望齊氏諸王選國臣府佐多取富商羣小鷹犬少年唯襄城廣寧蘭陵等頗引文藝清識之士當時以此稱之

趙郡王琛出鎮定州聞馮偉節聰敏無所不通以禮迎接命書三至縣令親詣其門猶辭疾不起王將命駕致請佐史前後星

馳報之縣令又自為其整冠履不得已而出王下車迎之止其拜伏分階而揖留之賓館甚見禮重王將舉克秀才固辭不就歲餘請還王知其不願拘束以禮發遣贈遺甚厚一無所納唯受時服而已

後周齊王憲引樊叔略為園苑監時憲素有吞關東之志叔略因事屬進兵謀憲甚奇之

賀若弼少慷慨有大志驍勇便弓馬能屬文博涉書記有重名於當世憲聞而敬之引為記室

翼王通楊注為侍讀王甚重之每曰楊侍讀德業優深孤之穆生也

隋秦王俊為并州總管二十四州諸軍事河東人柳靖字廣德守退居鄉里閉門自守時論方之王烈前後總管到官皆親至靖家問疾遂以為故事秦王俊臨州賚以几杖并致衣物靖唯受几杖餘並固辭其為當時所重如此

齊王暕初封豫章王時崔贖為河南豫章二王侍讀每更日來往二王之第及河南為晉王轉書記室參軍自此去豫章王重之不已遺贖書曰昔漢氏西京梁王建國平臺東苑慕義如林馬卿辭武騎之官枚乘罷弘農之守每覽史傳嘗竊恠之何乃脫略官策栖遲藩邸以令望高名方知雅志彼二子者豈徒然哉足下博聞強記鈞深致遠視漢臣之三籩似陟蒙山對梁相之五車若吞雲夢吾兄欽賢重士敬愛忘疲先築郭隗之宮常置穆生之醴今者重開土宇更誓山河地方百二牢籠曲阜城

兼七十包舉臨淄大啓南陽方開東閣想得奉飛蓋曳長裾藉  
玳筵躡珠履歌山柱之偃蹇賦池竹之擅樂其崇貴也如彼其  
風流也如此幸甚幸甚何樂如之高視上京有懷德祖才謝天  
人多慙子建書不盡意寧俟繁辭贖荅曰日昨伏奉教書崇貺  
非常心靈自失若乃理高象繫管輅思而不解事富山海郭璞  
注而未詳至於五色相宣八音繁會鳳鳴不足為諭龍章莫之  
能比吳札之論周頌詎盡榆揚郢客之奏陽春誰堪赴郢伏惟  
令王殿下稟潤天潢承輝日觀雅道貴於東平文藝高於北海  
漢則馬迁蕭望晉則裴楷張華鷄樹騰聲鶴池播美望我清塵  
攸然路絕祖濬濬祖贖字燕南贅客河朔墮遊本無意於希顏豈有  
心於慕蘭未嘗聚螢映雪懸頭刺股讀論唯取一篇披莊不過

盈尺復况桑榆漸暮藜藿屢空舉燭無成穿楊盡棄但以燕求  
馬首薛養鷄鳴謬齒鴻儀虛班驥阜挾太山而超北海報德惟  
難埋崑崙以為沼池酬思匪易忽屬周銅錫瑞唐水承家門有  
將相樹宜桃李真龍將下誰好有名濫吹先逃何須別聽但慈  
旨抑楊損上益下江海所以稱兵王陵為之不讓曹植儻豫聞  
高論楊脩則不損令名若竊在下風亦詎虧淳德無任荷戴之  
至謹奉啓以聞豫章王得書資米五十石并衣服錢帛

王真字孝逸梁郡人善屬文不事產業齊王暕鎮江都聞其名  
以書召之曰夫山藏美玉光照廊廡之間地蘊神劍氣浮星漢  
之表是知毛遂穎脫義感平原孫慧文詞來于東海顧循寡薄  
有懷髦彥藉甚清風為日久矣未獲披覲良深停滯比高天流

火旱應涼颶陵雲仙掌方承清露想攝衛攸宜與時休適前園  
後圃從容丘壑之情左琴右書瀟灑煙霞之外茂陵謝病非無  
封禪之文彭澤辭榮先有歸來之作優遊儒雅何樂如之余屬  
當藩屏宣條楊越坐堂聽訟事絕詠歌攀桂擣詞眷言高遁至  
於揚旌北渚飛蓋西園既乏乘應劉置醴闕申穆沿淮之賓徒  
聞其語趨燕之客罕直其人鄉道冠鷹揚聲高鳳舉儒墨泉海  
詞章苑圃棲遲衡泌懷寶迷邦殉茲獨善良以於邑令遣行人  
具宣徃意側望起予甚於飢渴想便輕牽副此虛心無信投石  
之談虛慕鑿坯之逸書不盡言更慙詞費及貞至王以客禮待  
之朝夕遣問安否又索文集貞啓曰屬荷德仁宣教湏近來所  
有拙文昔公旦之才藝能事鬼神夫子之文章性與天道雅志  
傳於游夏餘波鼓於屈宋雕龍之跡其在風騷而前賢後聖代  
相師祖賞逐時移出門分路變清音於正始體高致於元康咸  
言坐握地球誰許獨為麟角孝逸生於戰爭之季長於風塵之  
世學無半古才不逮人往屬休明才陰已異雖居可封之屋每  
懷貧賤之耻適鄢郢而迷塗入邕鄆而失步歸來反覆心反遂  
寒豈謂橫議過實虛塵叡覽枉高車以載籠費明珠以彈雀遂  
得糞糧三月重高門之餘地背淮千里望章臺之後塵與懸黎  
而並肆將駘驥而同阜終朝擊缶匪黃鍾之所諧日暮却行何  
前人之能及顧想平生觸塗多慰但以積年沉痾遺忘日久拙  
思所存總成二十三卷仰而不至方見學仙之遠窺而不覩始  
知遊聖之難咫尺天人周章不暇怖甚真龍之降慙過自遂之

歸伏紙陳情形神悚越齊王覽所集善之賜良馬四疋貞復上  
江都賦王賜錢十萬馬二疋未幾以疾甚還鄉里終于家  
楊子崇高祖族弟子愛賢好士

蔡王知積為同州刺史在州未嘗嬉戲遊獵聽政之暇端然讀  
書門無私謁有侍讀公孫尚儀山東儒士府佐楊君英蕭德言  
並有文學時延於座

唐鄧王元裕高祖子元裕好學善談名禮與典籤盧照隣為布  
衣之交及薨照隣為千字詩以傷之

霍王元軌時定州新樂人即餘令為府參軍數上詞賦元軌深  
禮之先是餘令從父知年為霍王友亦見推仰元軌謂人曰即  
氏兩賢人之望也相次入府不意培塿而松柏成林

濮王秦太宗子太宗特令秦府中別置文學館任自引召李士  
官給酒饌秦於是奏引著作即蕭德言秘書郎顧喬記室參軍  
薛亞卿功曹參軍謝偃等就府撰括地志五百五十卷奏上之  
岐王范雅愛文章之士士無貴賤盡以禮接待閩朝隱士劉延  
琦張諤鄭繇皆以文詞友善飲酒賦詩更唱迭和

新刊監本冊府元龜卷第二百九十二

世宗皇帝... 王... 宗室部... 薦賢... 儉約... 抑損... 好尚... 宗室部... 薦賢... 儉約... 抑損... 好尚... 宗室部... 薦賢... 儉約... 抑損... 好尚...

新刊監本冊府元龜卷第二百九十二

宗室部

薦賢

儉約

抑損

好尚

昔世宗皇帝

夫樂善好賢戚藩之令範也由東京以來宗哲繼武乃能察椽屬之才美詢士類之行義隱淪胥泊仄陋咸達或形慰薦之疏或應舉知之詔或白之於清宴或升之於有司或不任官靡爵飛聲騰實上以增多士彬彬之盛下以隆公族振振之德又何况知人之為哲薦賢之為賢者哉

漢東平王蒼上疏薦吳良曰臣聞愚者為國所重必在得人報恩之義莫不薦士竊見臣府西曹掾齊國吳良資質敦固公方

廉恪躬儉安貧白首一節又治尚書學通師法經任博士行中表儀備宿衛以輔聖政臣蒼榮寵絕矣憂責深大私慕公叔同升之義慎於減文竊位之罪敢秉愚瞽犯冒嚴禁顯宗以示公卿曰前以事見良鬚髮皓然衣冠甚偉夫薦賢助國宰相之職蕭何舉韓信設壇而拜不復考試今以良為議郎蒼又上書表薦名士左馮翊桓虞虛以禮下與參政事

晉城都王頴表論吳義功臣盧志和演董洪王彥趙驥等五人皆封開國公侯

宋臨川王義慶出為荊州刺史元嘉十二年普內外群官舉士義慶上表曰詔書疇咨群司延及連牧求賢仄陋拔善齒遐伏惟陛下惠哲光宣經緯明遠皇階藻耀風猷具昇而猶詢衡室之令典遵明臺之獻訓降流慮於管庫紆聖恩於板築故以道邈往載德高前王臣敢竭虛閣祇承明旨伏見前臨沮令新野庾寔秉直履約愛敬淳深昔在母憂毀瘠過禮今羅父疚泣每有聞行成閨庭孝著隣黨足以敦化率民齊教軌俗前徵奉朝請武陵龔祈恬和平易真潔純素窮居窮志躬情憤藉亦足鎮息頽競獎最浮動處士南郡師亮授才學明敏操介清修業均井渫志固冰霜臣往年辟為州祭酒未汙其慮若朝命遠暨玉帛遐臻異人間出何遠之有

江夏王義恭元嘉元年帝詔百官舉才義恭上表曰臣聞雲詔備樂則繁會克諧驛驂服則致遠斯効陛下順寅大化文明在躬王衡既在泰階載一而猶發慮英髦垂情厠陋函眷空同顯

著揚歷是以潛虬聳鱗佇利見之期翔鳳珥翼應來儀之感竊見  
南陽宗炳操履閑遠思業貞純砥節丘園息賓盛世貧約而苦  
內無改情軒冕屢招確爾不拔若以蒲帛之聘感以大倫之美  
庶拔竿釋褐翻然來儀必能毗燹九宮宣贊百揆尚書金部郎  
臣徐森之臣府中直兵參軍事臣三年竭力允濟忠盡款誠往  
年逆臣叛逸華陽失守森之全境寧民績章危棘前者經畧伊  
瀍元戎喪旅天寶北動河朔東據營兵勲勇既昭心事無竭雖  
經褒叙未盡才宜並可授以邊藩展其志力交征遼邈累喪藩  
將政刑每闕撫蒞惟艰南中曼遠風謠迥隔蠻獠狡竊邊民荼  
毒寔須練實以綏其氓謂森之可交州刺史天寶可寧州刺史  
庶足威懷荒表肅清遐服昔魏戎之賢切存薦士趙午之明事

章管庫臣識愧前良理謝先哲率舉所知仰酬採訪退懼瞽言無  
足旣獎

長沙王義欣上言所統威遠將軍北譙梁二郡太守關中侯申季  
曆自奉職邦歲于茲五年信惠并宣威化兼著外清暴亂內輯  
民黎後賦均平問井齊肅綏摠初附招攜荒遠郊境之外仰澤  
懷風爵賞之授績能是顯宜升階秩以崇獎勸進號寧朔將軍  
南齊竟陵王子良武帝子武帝詔舉士子良薦吳思遠及吳郡  
顧嵩之陳郡殷叡

始安王遙先為揚州刺史明帝建武初有詔舉士遙光表薦王  
暕王憎孺曰臣聞求賢暫勞垂拱求逸方之疏壤取類導川伏  
惟陛下道隱旒纁信元符璽白駒空谷振露在庭猶懼隱鱗卜

祝藏器屠保物色闕下委裘河上非取制於一狐諒求味於蕪采而  
五聲倦嚮九工是詢寢諫廟堂借聽與早臣位任隆重義廉家邦  
實歆名實不違徼律路絕勢門上品猶當格以清契英俊下僚不  
可限以位邈竊見秘書丞琅邪王暕年二十七業德重光海內冠  
冕神清氣茂允迪中和叔寶理遣之談彥輔名教之樂故以暉映  
先達領袖後進居無塵雜家有賜書辭賦清新屬言玄達室適人  
曠物䟽道親養素丘園台階虛位庠序公朝不夫傾望豈徒荀  
令可想李公不亡而已哉前晉安郡侯官令東海王僧孺年三  
十五理尚棲約思致殆敏既筆耕為養亦傭書成學至乃照螢  
映雪編蒲緝柳先言往行人物雅俗甘泉遺儀南宮故事畫地  
成圖抵掌可述豈直鸞鳳有火對之辨竹書無落簡之謬暕  
坐鎮雅俗引益已多僧孺訪對不休質疑斯在並東序之秘實  
瑚璉之茂器誠言以人廢而才實世資帝乃以暕為騎從事中  
郎僧孺為尚書儀曹郎曲江公遙快與始安王遙光等參預政  
事凡所談薦皆得其人由是朝野福湊軒蓋盈門

後魏高陽王雍宣武正始中詔百官各舉所知雍以田曹參軍卒  
辛少雍為舉首遷給事中侍郎

清河王懌奔李平行臺士兵部揚固除步兵校尉領汝南王  
悅郎中令尋加寧遠將軍時悅年少行多不法屑近小人固  
上䟽切諫并面陳徃代諸王賢愚之分以感動悅悅甚敬憚  
之懌大悅以為舉得其人

臨淮王彧為僕射表薦涿郡人祖鴻勳有文學宜試以一官勅

除奉朝請人謂之曰臨淮本御便以得調竟不相謝恐非其義鴻  
勲曰為國舉才臨淮之務祖鴻勲何事後而謝之或聞而喜曰  
吾得其人矣

彭城王勰武宣初為司徒成淹為羽林監領主客知左右二都水  
事勰曰先帝本有成旨淹有歸國之誠兼歷官著稱宜加優陟高  
祖顧命詔猶在耳乃相聞選曹加淹右軍領左右都水仍主客令  
復授驍騎將軍加輔國將軍都水主客如故勰又每稱尚書祠部  
郎宋世景精幹僕尚書僕射才也

汝南王悅宣武時詔四門博士董徵教授後徵自安州刺史入為  
司農少卿光祿大夫徵出州入御匪為學業所致亦由悅以其師  
資之義為啓請焉

任城王登臨薨啓諫議大夫張普惠為尚書右丞靈太后既深悼  
覽啓後之

北齊任城王潛為定州刺史嘗語李德林云竊聞蔽賢愚蒙顯  
戮久令君沉滯吾獨得潤身朝廷縱不見尤亦慎明靈所譴於  
是舉秀才李德林者文章學識固不待言觀其風神器宇終為  
棟梁之用至如經國大體是賈生晁錯之儔彫虫小技殆相如  
子雲之輩今雖唐虞君世俊又盈朝然修大厦者豈厭夫良材  
之積也吾嘗見孔文奉薦禰衡表云洪水橫流帝思俾乂以正  
平比夫大禹常謂擬喻非倫今以德林言之便覓前言非大

後漢雍王重美為河南尹時馬裔孫為禮部侍郎翰林李士清  
泰中藩邸舊臣韓昭裔房曷為樞密使劉延即李專美為宣徽

使河南尹雍王重美不平之密奏曰馬裔孫者只今視草恐未  
宜得帝然之故令掌貢本彙拜中書侍郎平章事

儉約

傳曰儉德之恭書曰祿不期侈皆先儒之丕訓方策之深戒也  
乃有体自玄極列於戚藩承慶靈之錫羨處富貴之極執而能  
躬履素行志修廉節循守法度靡尚華麗居官以清白處躬以  
簡儉去泰窒慾慎終如始期固秉上智之質為宗室之範者焉  
後漢東海恭王彊光武子也彊深執謙儉及薨帝不歆厚塋以  
違其意詔曰王恭謙好禮以德自然遣送之物務從約省衣足  
斂形茅車瓦器物減於制以德彰王自卓爾獨行之志

東海須王肅彊之子也性謙儉循恭王法度

魏陳思王植武帝子也性簡易不治威儀輿馬服飾不尚華麗  
植之薨也遣令厚葬

中山恭王衮武帝子也黃初朶年徙封濮陽太和二年就國尚  
約儉教勅妃妾紡績織紵習為家人之事

晉高密文獻王泰宣帝弟也泰武帝時錄尚書事性廉靜不近  
聲色雖為宰輔食大國之租服飾者膳如布衣寒士

譙王成宣帝孫也元帝大興初為輔國將軍領左軍將軍居官  
儉約家無別室及為湘州刺史湘土荒殘公私困弊承躬自儉  
約乘葦茨車而傾心綏撫甚有賢名

宋臨川列武王道規高祖少弟也道規無子以長沙景王第二  
子義慶為嗣義慶性謙虛素寡嗜欲受任歷藩無浮淫之過為

荆州刺史始至及去鎮迎送物並不受

衡陽王義季武帝子也為荆州刺史先是臨川王義慶在任巴蜀亂擾師旅應接府庫空虛義季躬行節儉蓄財省用數年間還復充實徵為都督南徐兗青冀齒六州諸軍事南兗州刺史登舟之日帳帳器服諸隨刺史者悉留之荆州以為美談

建平王景素文帝孫也性甚儉素為荆州時州有高齊刻楹栢構景素竟不處朝廷賜以甲第辭而不當兩宮所遺珍玩塵於笥篋食帝不過一肉器用瓦素時有獻鏤玉器景素顧主簿何昌寓曰我特安所用哉乃謝而反之

南齊始興王鑑高帝子也為益州刺史於周圍地得古冢無復棺但有古擲銅器十餘種並古刑玉璧三枚玳瑁寶甚多不可皆識金銀為蝮蛇形者數十計又以朱沙為阜水銀為沿左右咸歡取之鑑曰皇太子昔在雍有發古冢者得玉鏡玉屏風玉匣之屬皆將還都吾意常不同乃遣功曹何仲為之起墳諸寶物一不得犯性甚清在蜀積年未嘗有所盈造資用一歲不滿三万王儉常歎欠始興王雖遵貴而行履都是素士

梁鄱陽王恢太祖子也時有進筒中布者恢以奇貨異服即令焚之南康簡王績高祖子也寡玩好少嗜慾居無僕妾躬事約儉所有祖扶悉寄天府及薨後府有南康國無名錢數千万

長沙王懿子藻為益州刺史初鄧元起之在蜀也崇於聚殫財貨山積金玉珍帛為一室名為內藏綺縠錦罽為一室號曰外

府藻以外府賜將帥內藏歸王府不有私焉及還朝輕裝就路始吳王憺子暉常乘折角牛鼓木履被服此於儒者名盛海內為宗室推重

後魏任城王曇景穆子也廉謹自修及薨遣令薄葬廣陵王衍景穆孫也衍性情慎所在廉潔又不營產業卞日無歛屍具

京兆王曾孫琮為大尉錄尚書事性清儉不營產業身化之日家無餘財

彭城王勰獻文子也清正儉素門無私謁

北齊彭城景思王湫高祖子也自定州刺史徵為侍中人吏送別悲踴有老翁數百人相率具饌曰自殿下至來五載人不識吏吏不欺人百姓有識已來始逢令化殿下唯飲此鄉水未食百姓食聊獻疏薄湫重其意為食一口

蘭陵王長恭一名孝懌文襄第四子也芒山之捷武成賞其功命賈護為買妾二十人惟受其一有千金責券臨死日盡燔之後周伏異王達文帝子也雅好節儉食無兼膳侍姬不過數四皆衣縵衣又不營資產國無儲積右左嘗以為言達從容應之曰君子憂道不憂貧何煩之有

隋蔡王智積高祖弟憖之子也初為開府時延侍讀府佐於座所設唯果酒纔三酌家有女妓唯年節嘉慶奏於大妃之前其簡如此

唐鄭元懿曾孫勉為太子太師率性素淡清廉簡易為宗臣之

表二子讚約皆廉介有節

穎王璩玄宗第十三子也為蜀郡大都督璩性儉率將渡綿州江登舟見以綵綠蓆為藉者顧曰此可以為寢處柰何踐之命撤

去之

嗣吳王璩建中貞元間為虔潯等處州刺史入拜宗正卿歷官清

白居處衣服不免風雨暑寒及卒家無升儲公卿以下率歛以

賻凶

晉韓王暉為曹州防禦使廉愛恤下不營財利不好妓樂部人安之

抑損

古者建國之制名山大澤不以封周室列爵惟五分土為三使上

下相維其疆易制也漢興之初海內甫定鑒姬周夾輔之効懲忘

奏孤立之失而子弟寡少並建不足大封同姓以鎮天下或夸州

兼郡連城數十然而矯枉之道亦云過矣是以有莫大之患逆

亂之萌小者驕秩越法大者倔強放命觸罪絕國勢使之然故

賈誼之論晁錯之議主父之策誠以救一時之弊自是之後寢

以微弱當塗而下或以疏遠降其爵或以法制損其勢而疆弱

之道始終可究得失之理於是存焉

漢高祖時諸侯倍賦

國所出者倍入所王也

得自除內使以下漢獨為置丞

相黃金印諸侯自除御史廷尉正博士擬於天子自吳楚反後五

宗三世漢為置二千石去丞相曰相銀印諸侯獨得食租稅奪之

違其後諸侯貧者或乘牛車也

武帝時王父偃說帝曰古者諸侯地不過百里強弱之形易制今諸侯或連城數千里地方千里緩則驕奢易為淫亂急則助其疆而合從以逆京師今以法制割削則逆節萌起萌謂事之所生如草木之萌芽也前日

晁錯是也今諸侯子弟或十數而適嗣代立餘雖骨肉無尺地之封則仁孝之道不宣願陛下令諸侯得推恩分子弟以地侯之彼人人喜得所願上以德施實分其國必稍自銷弱矣於是帝從其計令諸

侯以私恩自裂地分其子弟而漢為定制封號輒別屬漢郡漢有厚

恩而諸侯地稍自分析初文帝未賈生之議分齊趙景帝用晁錯之計削吳楚武帝施主父之策下推恩之令使諸侯

王得分戶邑以封子弟不行黜陟而藩國自析自北已來齊分為七謂齊城陽濟北濟南淄川膠西膠東也趙為六謂趙平原真定中山廣川河間

也梁分為五謂梁濟川濟東山陽濟陰也淮南分為三謂淮南衡山廬江王子始立者大國不過十餘城長沙燕代雖有旧名皆止南北邊矣長沙

人南更置郡燕代以北更置緣邊郡其所有饒利兵馬器械二國皆失之也景帝遭七國之變抑損諸侯減黜其官謂改丞相曰相省衛更大夫廷

尉少府宗正博士揭大夫謁者諸官長丞直等也或有衡山淮南之謀作佐官之律上古今舍天子而仕諸侯故謂之左官也左官猶言左道也皆

僻左不正也漢時依上古法朝廷之列以右為尊故謂降秩為左遷士諸侯為左官也諸侯惟得衣食稅租不與政事

衡山王賜所為不法有司請逮治武帝不許為置吏二百石以上漢儀

四百石丁自除國中令以王之惡天下皆為置之

後漢光武建武拾叁年二月詔曰長沙王吳真定王得河間王

邵中山王茂皆襲爵為王不應經義以其服屬既疏不常襲其爵為王

以吳為臨湘侯臨為縣令潭州得為真定侯邵為樂城侯樂成縣故城今在羸

州樂府茂為單父侯今宋其宗室及絕國封侯者凡一百三十七

人丁巳降趙王良為趙公大原王章為齊公魯王吳為魯公一云建武十五

年大將軍朱祐朝京師奏古者人臣受封不加王爵可改諸侯為公帝即施行

魏文帝黃初五年詔曰先王建国隨時而制漢祖增秦所置郡至

光武以天下損耗并省郡縣以今比之益不及焉其改封諸王皆為縣主時法制待藩國既自峻迫寮屬皆賈豎下才兵人給其殘老大數不過二百人

陳思王植初封東阿王時大發士息及諸國士植以近前諸國士息已見發其遺孤稚弱在者無幾而服被取乃上書曰臣聞古者聖君與日月齊其明四時等其信是以戮凶無重賞善無輕恕若驚霆喜若時雨息不中絕教無二可以此臨朝則臣下知所死矣受任在萬里之外審主之所以受官必以之投命雖有構會之徒泊然不以為惧者蓋君臣相信之明效也昔章子為齊將人有告之反者威王曰不然左右曰王何以明之王曰聞章子改葬死母彼尚不欺死父顧當叛生君乎此君之信臣也昔管仲親射桓公後齒因從魯檻車

載使少年挽而送齊管仲知桓公之必用已懼魯之悔謂少年曰吾為汝唱汝為和聲和聲宜走於是管仲唱之少年走而和之日行數百里宿昔而至至則齊相此臣之信君也臣初受封策書曰植受茲青社封于東土以屏翰皇家為魏藩輔而所得兵百五十人皆言在耳順或不踰矩虎賁官騎及親事凡二十餘人正復不老皆使言壯備有不虞檢校乘成顧不足以自救况皆復耄耄罷洩乎而名為魏東藩使屏翰王室臣竊自羞矣就之諸國固有士子合不過五百人伏以為三軍益損不復賴此方外不定必當須辨者臣願將部曲倍道奔赴夫妻負襁子弟懷糧蹈鋒履刃以循國唯何但習小業兕哉愚誠以揮涕增河鼉龍飲海於朝萬無損益於臣家計甚有廢損又臣士息前後三送兼人已竭惟尚有

小兒七八歲已上十六七已還三十餘人今部曲皆年耆卧在床蓆非糜不食眼不能視氣息裁屬者凡三十七人疲瘵風靡疔盲聾暗者二十三人惟正須此小兒大者可備宿衛雖不足以禦寇粗可以警小盜小者不堪大使惟可使耘鋤穡草驅護烏雀林候人則一事廢一日亂則衆業散不親自經營則功不攝常自躬親不委下吏而已陛下聖仁恩許三至士子歸國再不復發明詔之下有若皦日保金石之恩全明神之信畫然自固如天如地定習業者並復見送淹若晝晦悵然失圖伏以為陛下既爵臣百寮之右居藩國之任為置卿士屋名為宮塚名為陵不使其危居獨立無異於凡庶若栢成欣於野耕子仲樂於灌園蓬戶茅牖原憲之宅也陋巷簞瓢顏子之居也臣才不見效用常慨然執斯志焉

若陛下聽臣悉還部曲罷官屬省監官使解璽釋技追栢成子仲之業營顏淵原憲之事居子臧之廬宅延陵之室如此雖進無成功退有可守身死之日猶喬松也然伏度國朝終未肯聽臣之若是固當羈絆於世紀維繫於祿位懷屑屑之小憂執無已之百念安得蕩然肆志逍遙於宇宙之外哉此願未從陛下必歆崇親親骨肉潤白骨而榮枯木者惟施仁德以副前恩詔皆遣還之

宋孝武以南郡王義宣亂逆於強盛歆削王侯江夏王義恭希旨請省錄尚書上從之又與驃騎大將軍竟陵王誕奏陳貶損之格九條詔外詳議於是有司奏九條之格猶有未盡更加附益凡二十四條大抵聽事不得南向坐施帳國官正冬不得跣登國殿公主妃傳令不得朱服輿不得搨鄣扇不得雉尾劍不得鹿盧形槩

旣不得孔雀白氍夾轂隊不得絳襖平但乘馬不得過二尺胡妓不得綵衣舞妓正冬着袷衣不得裝面諸妃主不得着緹帶信幡非臺省官悉用絳郡縣內史相及封內長官於其封君罷官則不復追敬不稱臣諸鎮常行車前不得過六隊刀不得銀銅飾諸王女封縣主諸王子孫襲封王之妃及封侯者夫人行並不得鹵簿諸王子繼體為王者婚葬吉凶悉依諸國公侯之禮不得同皇弟皇子車頭作露平形不得擬象龍舟詔可

後魏孝文太和十六年春正月乙丑制諸遠屬非太祖子孫及異姓為王皆降為公公為侯侯為伯子男仍舊皆除將軍之號唐高祖受禪以天下為定廣封宗室以威天下皇從弟及姪年始孩童者數十人皆封為郡主太祖即位因舉宗正屬籍問侍臣曰遍

封宗子於天下便乎尚書右僕射封德彝對曰歷現往來古封王者今最為多兩漢已降唯封帝子及親兄弟若宗室疏遠者非有大功如周之郇滕漢之賈澤並不濫封所以別親疎也先朝敦睦九族一切封王爵命既隆多給力役蓋以天下為私殊非至公馭物之道太宗曰朕理天下本為百姓非欲勞百姓以養己之親也於是宗室率以屬疏降爵為郡公唯有功者數十人封王

後唐末帝清泰元年皇子河南尹重美表前壽安令賈譚添民戶希別授官中書門下奉親王無薦士例帝曰有例亦不可况無例乎

好尚

禮曰天命之謂性語曰性相近也習相遠也則知性有智愚習有善惡乃有荷茅土脈膺之寄居藩屏夾輔之尊純懿內融清明外

發冲虛自守味老氏之玄言空寂為心洞金仙之妙理嗜編伍之向  
背窮韜畧之出微或求訪圖書或繕完器玩搜奇採異適意忘勞  
雖趨向不同同歸於善乃流濕就燥之義豈好丹非素之辭也

漢陽城侯德少修黃老術常持老子知足之計

廣川王去景帝孫也其殿門有成慶畫短衣大袴長劍

成慶荆軻也衛人謂

之慶卿燕人謂之荆卿又成慶古之勇士事見淮南子

去好之作七尺五寸劍被服皆劾焉

後漢楚王喜黃老李為屠浮齋戒祭祀

宋臨川王義慶受任歷藩無浮淫之過唯晚節奉養沙門頗致

費損

南齊竟陵王子良為會稽太守郡閣下有虞翻舊床罷任還

乃致以歸後於西邸起古齋多聚古人器服以充之子良好

釋氏敬信尤篤數於邸園營齋戒大集朝臣衆僧至賊食行水或

躬親其事又招致名僧講語佛法造經衆僧皆具新聲道俗之盛

江左未有也

衡陽王鈞居身清率言未及時事會稽孔珪家起園列植桐柳多

構山泉殆窮真趨鈞往遊之珪曰殿下處朱門遊紫闥詎得山

人交邪谷曰身處朱門而清遊江海形入紫闥而意在清雲珪

大美之吳郡張融清抗絕俗雖王公貴人視之傲如也唯雅重

鈞謂從兄緒曰衡陽王飄飄有凌雲氣其風雲素韻彌足可

懷融與之遊不知老之將至見賞如此

梁南平王偉文帝子齊世清溪宮改為芳林苑天監初賜偉

為第偉又加穿築果木珍奇窮極雕靡有伴造化立遊客

省寒暑得宜各有籠爐夏設欵扇每與賓客遊其中命從事  
中郎蕭子純為之記梁潘邠之盛無過焉偉晚年崇信佛理  
尤精玄孝著二百義別為新通又製情性畿神等論義僧寵及  
周捨殷均陸倕並名精解而不能屈  
長沙嗣王業性敦篤所在留惠神信因果篤成佛法高祖每嘉  
歎之

後魏京兆王愉崇信佛道用度常至不接

京兆王大興常遇患病請諸沙門行道所有資財一時布施乞  
求病逾名曰散生齋及齋後僧皆四散有一沙門言云乞齋餘  
食大興戲之曰齋食既盡唯曰酒肉沙門曰亦能食之因出酒  
一斗羊脚一隻食盡猶言不飽及辭出後酒肉俱在出門追之

無所見大興遂拂前乞頰向者之師當非俗人若此病得瘥即捨王  
爵入道未幾便愈遂請為沙門表十餘乃見許時考文南討左軍  
皇太子於四月八日為之下髮施帛二千疋既為沙門更名僧懿居嵩山  
後周長樂侯深年數歲便累石為營折草作旌旗布置行伍皆  
有軍陣之勢及長好讀兵書

隋秦王俊仁恕慈愛崇敬佛道請為沙不許

唐韓王元嘉少好孝聚書至万卷又搜採碑文古迹多得異本  
舒王元名為石州刺史向二十年性高潔賞玩林泉有塵外之意  
岐王範多聚書畫古迹為時所重



素士之所難也矧於公族乎斯足以稱賢矣

漢楚元王孫辟疆武帝時隨二千石論議冠諸宗室清靜少欲不肯仕

後漢順陽懷侯嘉光武族兄也建武三年從到洛陽從征代拜為千乘大守六月病上書乞骸骨徵詣京師

城陽王祉光武族兄春陵康侯敞之子也建武十一年祉疾病上城陽王璽綬願以列侯奉先人祭祀帝自臨其疾

東海恭王彊光武子也建武二十年帝優以大封兼食魯郡合二十九縣賜虎賁旄頭宮殿設鍾虜之縣擬於乘輿疆臨之國

數上書讓還東海又因皇太子固辭帝不許深嘉歎之東平王蒼光武子也為驃騎將軍位在三公上永平四年蒼以

在朝數載名位益隆而自以至親輔政聲望日重意不自安上疏歸職曰臣蒼疲駑特為陛下慈恩覆護在家備教導之仁并

朝蒙爵命之賞制書褒羨班之四海舉負薪之負薪人喻小子并君子之器凡匹夫一介尚不忘簞食簞竹器也圓日簞方曰筥之惠况臣居宰相之位同

氣之親哉宜當暴骸骨為百僚先而愚頑之質加以痼病誠羞負乘辱汗輔將之位將被詩人三百赤紱之刺赤紱大夫之服今方域晏

然要荒無傲將遵上德無為之時也文官猶可并省武職尤不且建昔象封有禪不任以政誠由愛深不忍揚其過惡前事之不

忘來事之師也自漢興以來宗室子弟無得在公卿位者惟陛下審覽虞帝優養母弟遵承舊典終率厚恩乞上驃騎將軍印

綬退就藩國顧蒙哀憐帝優詔不聽其後數陳乞辭甚懇切五

年乃許還國而不聽上將軍印綬章帝建初六年詔沛濟南東  
平中山四王贊皆勿名蒼既至升殿乃拜天子親答之其後諸  
王入宮輒以輦迎至省閣乃下蒼以受恩過禮情不自寧上疏  
辭曰臣聞貴有常尊賤有等威卑高列序上下以理陛下至德  
廣施慈愛骨肉既賜奉朝請咫尺天儀而親屈至尊降禮下臣  
每賜譙見輒興席改容中宮親拜事過典故臣惶怖戰慄誠不  
自安每會見跋階毋所措置此非所以章示群下安臣子也帝  
省奏歎息愈褒賞焉

晉齊獻王攸武帝子也帝詔諸藩王令自選國內長吏攸奏議  
曰昔聖王封建万国以親諸侯軌迹相承莫之能改誠以君不  
世居則人心偷幸人無常主則風俗為薄是以先帝深覽經遠

之統思復先哲之軌分土畫疆建爵五等或以進德或以酬功  
伏惟陛下應期創業樹建親戚聽使藩國自除長吏而令草創  
制度初立雖庸蜀順軌吳猶未賓宜候清泰乃議復古之制書  
比三上輒報不許其後國相上長吏缺典書令請求差選攸下  
令曰忝受恩禮不彌惟憂至於官人叙才皆朝廷之事非國所  
宜裁也其令自上請之時王家人衣食皆出御府攸表祖失  
是以自供求絕之前後十餘上帝不許  
會稽文孝王道子簡文子也孝武大元初拜散騎常侍中軍將  
軍進驃騎將軍後公卿奏道子親賢莫二宜正位司徒固讓不  
拜使錄尚書六條事尋加開府領司徒及謝安薨詔曰新喪哲  
輔華戎未一自非明賢懋德莫能綏御內外司徒琅邪王道子

体道自然神識穎達是當旦奭之重宜摠二南之任可領揚州  
刺史錄尚書假節都督中外諸軍事衛府文武一心配驃騎府  
讓不受數年領徐州刺史太子太傅公卿又奏宜進位丞相揚  
州牧假黃鉞羽葆鼓吹並讓不受及恭帝為琅邪王道子受封  
會稽國并宣城為五万九千戶安帝踐阼有司奏道子宜進位  
太傅揚州牧中書監假黃鉞備殊禮固讓不拜又解徐州詔內  
外衆事動靜諮之帝既冠道子稽首歸政王國寶始摠國權勢  
傾朝廷王恭乃奉兵討之道子收國寶斬之乃乞解中外都督  
錄尚書以謝方岳詔不許  
武陵戚王晞孝武帝子也初穆帝時為大宰海西公大和初加羽葆  
鼓吹入朝不趨贊拜不名劔履上殿皆固讓

宋臨州列武王道規高祖少弟也為輔國將軍以義勲遷使持  
節都督荆寧秦梁雍六州司州之河南軍事領護南蠻校尉荆州  
刺史道規辞南蠻以授殷叔文

臨川王義慶道規子也元嘉中為丹陽尹加右僕射會大白犯左執  
法義惧有災禍乞求外鎮文帝詔譬之曰玄象茫昧既难知了  
且史家諸占各異兵星先時有所干犯乃桓玄當誅以此言之  
益無懼也鄭僕射亡後左執法當有蛮王光祿至今平安日蝕三  
朝天下之至忌晋孝武初有此異彼庸主耳猶竟無佗天道輔  
仁福善謂不足横生憂懼况與後軍各受内外之任本以維成  
表裏經之盛衰此懷實有由來天必降灾寧可千里逃避雅既  
非違者之事又不知吉凶定所若在都則有不惻去此必保利貞

者豈敢苟違耶義慶因求解僕射乃許之家中書令進號前將軍常侍尹如故

江夏文獻王義恭武帝子也武帝即位授持節都督揚州南徐二州諸軍事孝建元年十一月遷鎮京口二年春督南東兗二州徵為揚州刺史加入朝不趨贊拜不名劔履上殿義恭固辭殊禮又解持節都督

南譙王義宣武帝子也文帝時為中軍將軍揚州刺史值元凶弒立孝武入討義宣遺參軍徐遺寶率衆三千助為前鋒孝武即位以義宣為中書監都督揚豫二州丞相錄尚書立條事改封南郡王進謚義宣所生為獻大妃封次子宜陽侯愷為南譙王食邑千戶義宣固辭內任及愷王爵於是改授都督荆湘雍益梁寧南秦八州

諸軍荆湘二州刺史持節侍中丞相如故降愷為宜陽縣主南平穆王鐸文帝第四子元嘉二十六年進號西平將軍讓不拜始安王休仁文帝第十二子明帝即位為揚州刺史時諸方逆命休仁督征討諸軍事中流平定休仁之力也乃增休仁邑四千戶固辭乃受千戶上流雖平薛安都據彭城招引後魏復都督北討諸軍事又增食邑三千戶不受

南齊豫章王嶷大祖第二子也武帝永明元年領太子太傅解中書監手啓帝曰陛下以勸孝纂業萬宇惟新諸第有序臣屢荷降愛叨授台首不敢固辭俛仰祇寵心魂如失負重量力古今同規臣窮生如浮質操空素任居鼎石已移氣序自頃以來宿疾稍纏心慮恍惚表於容狀視此根株常恐命不勝恩加以

星緯屢見災祥雖脩短有常能不耿介此心欲從俗啓鮮令職  
但歷辟為鄙或貽物誚所以息意緘默一委時運而可復加寵榮  
增其顛墜且儲傳之重實非常選遂使太子見臣必束帶宮臣  
皆再拜二三之官何以當此臣近亦侍言太子告意子良且因  
王使申啓未知粗上聞否福慶方降國祚永始若天假臣年得  
預人伍唯當請降貂璫以飾微軀永侍天顏以惟畢世此臣之  
願也服之不衷猶為身災况寵爵乎殊榮厚恩必誓以命請帝  
荅曰事中恐不得從所陳三年文惠太子講孝經畢求鮮大傳  
不許皇孫婚竟又陳解詔曰公惟德惟行無所厝辭且魯且衛  
其誰與二方式範當時流聲史籍豈容屢秉撝謙以乖期寄嶷  
常慮盛滿又因言宴求鮮揚州授竟陵王子良帝終不許曰畢

汝一世無所多言嶷自以地位隆重深懷退讓比宅舊有園田  
之美乃盛脩理之七年乞求還第帝令世子子庶代餘東府嶷  
進位大司馬八年給阜輪車尋加中書監固辭

梁臨川靖惠王宏大祖第六子也宏有七子正義正德正則正  
立正表正信世子正仁為吳興太守有治能天監十年卒謚曰  
哀世子無子高祖詔羅平侯正立為世子田宏意也宏薨正立  
表讓正義為嗣高祖嘉而喜之封正立千戶侯正義先封平樂  
侯正德西豐侯正則樂山侯正立羅平侯正表封山侯正信封  
化侯

長沙元王弟藻文帝孫也武帝天監十年自南琅邪太守入為  
侍中藻性謙退不求聞達後出為丹陽尹大通六年入為尚書

左僕射加侍中藻固辭不就詔不許

後魏武昌簡王平原道武子河南王曜之孫也平原有五子長子和爲沙門捨其子顥以爵讓其次弟鑒固辭詔許其身鑒終之後令顥襲爵鑒乃受之

京兆王繼道武曾孫南平王胥第二子也以藩王宿官貴孝文時歷內外顯任意遇已隆靈太后臨朝入居心膂兼處門下歷轉台司繼子父居權重榮赫一世繼頻表遜位乞以司徒授崔光詔遣侍中安豐王述明給事黃門侍郎盧同敦勸繼又啓固讓轉大保侍中如故加後部鼓吹頴表陳辭不許又轉大傅侍中如故頻讓不許又遣使敦勸乃受之靈太后臨朝除特進驃騎將軍侍中領軍如故繼頻表固讓許之及門下八坐奏追論繼

大和中慰喻高車安輯四鎮之勲增邑一千五百戶繼又上表陳讓詔聽減五百

城陽王壽景穆之子也壽子徽爲吏部尚書加侍中征東將軍遷武衛將軍右光祿大夫拜尚書左僕射轉車騎將軍儀同三司固辭不拜聽解侍中然後受詔後以從莊帝北巡之功除侍中大司馬大尉公邑二萬戶徽表辭官封前後屢上又啓云河上之功將士之力求迴所加授諸勲義徽爲莊帝親侍內懼爾朱榮等故有此辭以防外議莊帝識其誠心職其辭封不許讓官

彭城王勰獻文子也孝文時爲中書監侍中孝文南討漢陽假勰中軍大將軍加鼓吹一部勰以寵授頻煩乃面陳曰臣聞兼

親疎而用並異同而建此既盛文於昔臣願誦之於後陳思求而不允愚臣不請而得豈但今古云殊遇否大異非獨曹植遠羨於臣是亦陛下踐魏文而不顧帝大笑執勰手曰二曹才名相忌吾與汝以道德相親緣此而言無慙前烈汝得克己復禮更何多及又從孝文征河北及車駕還京行飲至策勲之禮增邑千戶勰辭曰臣受遇緣親榮枯事等以此獲賞深乖情願乞追成旨用息謗言詔以勰為司徒太子太傅

高陽王雍獻文子也靈太后時鎮司州牧詔雍乘步挽出入掖門又以本官錄尚書事雍頻表辭遜優荅不許詔侍中敦喻廣陵王羽獻文子也領廷尉卿車駕南討命羽留守羽表辭廷尉不許

趙郡王幹獻文之子也幹子諱為鴻臚少卿遷後將軍泗州刺史固辭不拜後以親例封上蔡縣開國公食四百戶讓而不受後周齊王憲太祖第五子高祖時累有戰功自以威名日重潛思屏退及帝欲親征北藩乃辭之以疾帝變色曰汝若憚行誰為吾使憲惧曰臣陪奉銮輿誠為本願但身嬰疹疾不堪領兵帝許之

隋觀德王雄高祖族子也初改封安德王歲餘授懷州刺史尋拜京兆尹帝親征吐谷渾詔雄總管澆河道諸軍及還改封觀德王上表讓曰臣早逢興運預班末屬有命有時藉風雲之會無才無德濫公卿之首蒙先皇不次之賞荷陛下非分之恩久奈台槐常慮盈滿豈可仍叨匪服重竊鴻名臣實面墻敢緣往

例臣誠昧寵交懼身責昔劉賈封王豈備二階之任曹洪上將寧  
超五等之爵况臣衮章喻於帝子京尹亞於皇枝錫土例藩紐  
金開王於臣何以自處在物謂其乖分是以露款執愚祈恩固  
守伏願陛下曲留慈照特鑿丹誠頻觸宸嚴伏增流汗優詔不  
許

唐宋王成器睿宗子也玄宗先天初進位大尉成器固辭大尉  
之命帝嘉其意許之制曰宋王成器温良恭儉明允篤誠朕之  
元昆人之師表間者鼎席虛位台階俟能堅守讓詞願移成命  
宜聯華於補職更參議於論道可開府儀同三司開元十四年  
兼大常卿成器又上言曰臣聞選賢任職量能授官苟非其才  
坐貽厥咎臣本愚劣累忝榮任叨居禮樂之司實乖河海之任  
吹庭鍾鼓克諧謝於昔人踈署威儀為政慙於往哲僂俛從事  
于茲六年詩紉素餐於是乎在伏惟開元神武皇帝陛下繼業  
昭暢仁化清和乘暇奏薰風之琴追賞聚雲和之曲典章斯備  
雅亮攸歸遠美咸英獨冠區宇臣幸膺國戚久亞台階兼縮寺  
卿實黷朝憲思盈之誠列在前經過寵之談復聞斯日願矜其  
庸昧授以良能人無異言官無曠位使晨趨北闕奉漢愷之龍  
顏夕赴西園飛魏庭之華蓋則臣之願畢矣聖主之恩深矣不  
任悚望翹勤之至謹詣朝堂奉表陳讓以聞帝覽表重違其意  
手詔曰開元儀同三司兼大常卿寧王憲秉德夷遠體道淳深  
須以茂親典司宗杜禮經之文既備鍾律之度已和成而不居  
謙以自牧固辭兼領情所重違宜遂雅懷俾停劇務

專政

夫並建周親藩屏王室所以深根固本為不可拔者也故詩曰  
大宗維翰又曰懷德維寧是以內有骨肉之親外有藩翼之衛  
強弱相制枝葉相持此周漢所以為得也吳晉之後法制過差  
始以親親假其勢位終以驕蹇顯乎威福或本根之莫庇或干  
戈之日尋小者踰越法度大者傾敗邦政斯所謂寵之適所以  
禍之也得失之際可不鑒哉是以著其始終盛衰之變以存歷  
代之戒哉

魏曹爽大祖族子真之子為大將軍假節鉞都督中外諸軍事  
錄尚書事封武安侯邑萬二千戶賜劔履上殿入朝不趨贊拜  
不名丁謚畫策使爽白天子發詔傳宣王為大傅外以名號尊  
之內欲令尚書奏事先來由己得制其輕重也

吳孫峻大帝末為侍中受遺輔政領武衛將軍既誅諸葛恪遷  
丞相大將軍督中外諸軍初群臣上奏共推峻為大尉議滕裔  
為司徒時有媚峻者以為大統且在公侯若滕裔為亞公聲名  
素重衆心所附不可二也乃表以峻為丞相又不置御史大夫  
士人皆失望矣

孫綝廢帝時自偏將軍代孫峻為侍中衛武將軍領中外諸軍  
事知朝政景帝時綝一門五侯皆典禁兵權傾人主自吳國朝  
臣未嘗有也

晉趙王倫既誅賈后遂為使持節大都督中外諸軍事相國侍  
中一衣宣文輔魏故事百官總已聽於倫

齊王冏既誅趙王倫因留輔政坐拜百官符勅臺府淫營專驕不一朝覲此狂恣不肅之容也天下莫不高其功而慮其亡也冏終弗改遂至夷滅

成都王穎為大尉大將軍都督中外諸軍事假節加黃鉞錄尚書事鎮鄴及齊王冏之敗穎懸執朝政事無巨細皆就鄴認之東安王繇既誅楊駿後專斷刑賞威震內外

會稽王道子為錄尚書都督中外諸軍事世子元顯時年十六為侍中心惡王恭請道子討之乃拜元顯為征虜將軍其先衛府及徐州文武悉配之于時王恭威鎮內外道子甚懼復引譙王尚之以為腹心尚之說道子曰藩伯疆盛宰相權輕宜密樹置以自藩衛道子深以為然乃以其司馬王愉為江州刺史以

備恭與尚之等日謀議以司四方之隙王恭知之復舉兵以討尚之為名荊州刺史殷仲堪豫州刺史庾楷廣州刺史桓玄並應之道子使人說楷曰本情相與可謂斷金往年帳中之飲結帶之言寧可忘邪卿今棄舊交結新援忘王恭疇昔陵侮之耻乎若乃欲委体而臣之若恭得志以卿為反覆之人心不相信何富貴可保禍敗亦旋及矣楷怒曰王恭昔赴山陵相王憂懼無計我知事急即勤兵而至去年之事亦俟命而奮我事相王無相負者既不能顯恭反親國寶自尔以來誰復敢攘袂於君之事乎庾楷實不能以白口助人屠滅當與天下同舉誅鉏姦臣何憂府不開爵不至乎時楷已應恭檄正徵士馬信反朝廷憂懼於是內外戒嚴元顯攘袂慷慨謂道子曰去年不討王恭

致有今若後今若復從其欲則大宰之禍至矣道子曰飲醇酒而委事於元顥雖年少而聰明多涉志氣果銳以安危為己任尚之為之羽翼時相傳會者皆謂元顥有明帝神武之風於是以為征討都督假節統前將軍王絢左將軍謝琰及將軍桓之才毛泰高素等代恭滅之既而楊佺期桓玄殷仲堪等復至石頭元顥於竹里馳還京師遣丹陽尹王愷鄱陽太守桓放之新蔡內史何嗣穎川太守溫祥新安太守孫泰等發泉邑士庶數萬人據石頭以距之道子將出頓中堂忽有驚馬蹂籍軍中因而擾亂赴江而死者甚衆仲堪既知王恭敗死狼狽西走與桓玄屯于潯陽朝廷嚴兵相距內外騷然詔元顥甲杖百人入殿尋加散騎常侍中書令又鎮軍持節都督如故會道子有疾加

以昏醉元顥知朝望去之謀奪其權諷天子解道子揚州司徒而道子不知覺元顥自以少年頓居權重慮有譏議於是以琅邪王領司徒元顥自為揚州刺史既而道子酒醒方知去職於是大怒而無如之何廬江太守會稽張法順以刀筆之才為元顥謀主交結朋援多樹親黨自桓謙以下諸貴遊皆歛衽請交元顥性苛刻生殺自己法順屢諫不納又發東土諸郡免奴為民者號曰樂屬移置京師以充兵役東土囂然人不堪命天下苦之矣既而孫恩乘釁作亂加道子黃鉞元顥為中軍以討之又加元顥錄尚書事然道子更為長夜之飲政無大小一委元顥道子為東錄元顥為西府車騎填湊東第門下可設雀羅矣元顥無良師友正言弗聞諂譽日至或以為一時英傑或謂為

風流名士由是自謂無敵天下故驕侈自增帝又以元顥有翼  
亮之功加其所生母劉氏為會稽王夫人金章紫綬會洛陽覆  
沒道子以山陵凶辱上疏送章綬請歸藩不許及太皇太后喪  
詔道子乘輿入殿元顥因諷禮官下議稱己德隆望重既錄百  
揆內外群僚皆應盡敬於是公卿皆拜于時軍旅荐與國用虛  
竭自司徒己下日廩七升而元顥聚斂不已富過帝室及謝琰  
為孫恩所害元顥求領徐州刺史加侍中後將軍開府儀同三  
司都督十六州諸軍封其子彥章為東海王尋以星變元顥解  
錄復加尚書令會孫恩至京口元顥柵斷石頭率兵距戰頻不  
利道子無他謀略唯日禱蔣侯廟為厭勝之術既而孫恩遁于  
北海桓玄復據上流致牋於道子曰賊造近郊以風不得進以  
雨不致火食盡故去耳非力屈也昔國寶卒後王恭不乘此威  
入統朝政足見其心非侮於明公也而謂之非忠今之貴要腹  
心有時流清望者誰乎豈可云無佳勝直是不能信之耳用理  
之人然後可以信義相期求利之徒豈有所惜而更委信邪尔  
求一朝一夕遂成今日之禍矣阿衡之重言何容易求福則立  
至于忤或致禍在朝君子豈不有懷但懼害及身耳玄忝任在  
遠是以披寫事實元顥覽而大懼張法順謂之曰桓玄承籍門  
資素有豪氣既并殷揚專有荆楚然桓氏世在西藩人或為用  
而第下之所控引止三吳耳孫恩為亂東土塗地編戶飢饉公  
私不贍玄必乘此縱其姦克竊用憂之元顥曰為之奈何法順  
曰玄始據荊州人情未輯方就綏撫未遑佗計及其如此發兵

誅之使劉牢之為前鋒而第下以大軍繼進桓玄之首必懸於  
麾下矣元顥以為然遣法順至京口謀於牢之而牢之有疑色  
法順還說元顥曰牢之言色必貳於我未若召入殺之不爾敗  
人大事元顥不從道子尋拜侍中大傅置左右長史司馬從侍  
中郎四人崇異之儀備盡盛典其驃騎將軍僚佐文武即配大  
傅府加元顥侍中驃騎大將軍開府征討大都督十八州諸軍  
事儀同三司加黃鉞班劍二十人以代桓玄竟以牢之為前鋒  
法順又言於元顥曰自舉大事未有威斷桓謙兄弟每為上流  
耳目斬之以孤荆楚之望且事之濟不濟係于前軍而牢之反  
覆万一有變則禍敗立至可令牢之殺謙兄弟以示不貳若不  
受命當逆為之所元顥曰非牢之無以當桓玄且始事而誅大  
將人情必動二三不可于時揚土飢虛運漕不繼玄斷江路商  
旅遂絕於是公私匱乏士卒唯給糗糧大將軍發玄從兄驃騎  
長史石生馳使告玄玄進次尋陽傳檄京師罪狀元顥俄而玄  
至西陽帝戎服餞元顥于西池始登舟而玄至新亭元顥棄船  
退屯國子學堂明日列陣於宣揚門外元顥佐吏多散走或言  
已至大桁劉牢之遂降于玄元顥迴入宣揚門牢之參軍張暢  
之率眾逐之眾潰元顥奔入相府唯張法順隨之問計於道子  
對之泣玄遣大從事中郎毛泰收元顥送於新亭縛於船前而  
數之元顥答曰數王誕張法順所誤於是送付廷尉并其六子  
皆害之玄又奏道子酣縱不孝當棄市詔徙安成郡使御史杜  
竹林防衛竟承玄旨酖殺之時年三十九帝三日哭於西堂

宋彭城王義康為侍中都督南徐兗三州諸軍事司徒錄尚書  
事南徐州刺史王揚州勅史王引共輔朝政引既多疾且每事  
推謙自是內外衆務一斷之義康性性吏職用意文案既專摠  
朝權事決自己生殺大事以錄命斷之凡事陳奏無不可者方  
伯己下並委義康授用由是朝野輻湊勢傾天下  
後魏元乂江南王繼之第二子靈太后臨朝以乂姝夫累遷侍  
中領軍既在門下兼總禁兵深為靈太后所信委及清河王懌  
被殺與高陽王雍等輔政常直禁中孝明呼為姨夫自後專總  
機要巨細決之威振於內外百僚重跡  
後周晉公宇文護文帝之兄子也為大冢宰武帝立百官摠於  
護自文帝為丞相立左右十二軍摠屬相府後皆受護處分凡  
所徵發非護不行護屯兵禁衛盛於宮闕事無巨細皆先斷後  
聞

新刊監本冊府元龜卷第二百九十四

新刊監本冊府元龜卷第二百九十五

宗室部三十四

復爵

自成周以來並建懿戚大啓土宇所以疆幹弱枝傳祚遐世顧  
豈欲絕之者哉其或反道敗德弗率王廷作威弛禁侵害吏治  
則削而絀之用殄厥世斯蓋不得已而為之也然後推敦族之  
恩申猶宥之典赦其罪戾還其璽綬或則加禮謚於既沒復爵  
土於嗣子俾宗祊無隕邦畿如舊霈然渥綬與之更始亦有被  
誣見疑非辜遭禍率用追復以申其寃斯皆厚親親之仁成元  
宗之美也

漢淮南王長高祖少子以謀反遷蜀道死民有作歌淮南王曰

一尺布尚可縫一斗粟尚可舂兄弟二人不相容

一尺布可縫而共衣一斗

粟可舂而共食况以天下之廣而不相容也

文帝聞之曰昔堯舜放逐骨肉周公殺管

蔡

鯀及共工皆堯舜之同姓皆云骨肉

天下稱聖不以私害公天下豈以為我貪

淮南地邪迺徙城陽王王淮南故地而追尊淮南王為厲王置園如諸侯儀

後漢楚王英以逆謀廢徙丹陽涇縣明年至丹陽自殺詔遣光祿大夫持節吊祠賜贈如法加賜列侯印綬以諸侯禮葬於荆

元和三年又遣謁者備王官屬迎英喪改葬彭城加王赤綬羽蓋華藻如嗣王儀追爵謚曰楚厲侯

阜陵王延以逆謀貶爵為侯章帝行幸九江賜延書與車駕會壽春帝見延及妻子愍然傷之乃下詔曰昔周之爵封千有八

百而姬姓居半者所以禎幹王室也朕南巡望淮海意在阜陵

遂與侯相見侯志意衰落形体非故瞻省懷感以悲今復侯為阜陵王增封四縣并前五縣

齊王晃光武兄伯升曾孫晃與大姬宗更相誣告章和元年有司奏請免晃爵為庶人徒丹帝不忍下詔貶晃爵為蕪湖侯遣

謁者收晃璽綬晃立十七年而降爵晃卒子無忌嗣帝以伯升首創大業而後嗣罪廢心常愍之時北海為侍中受遺輔政領

威武衛將軍亦絕無復遣詔今復二國永元二年乃復封無忌為齊王

勃海王惺謀為不道有司請廢之桓帝不忍貶為瘿陶王食一縣惺後因中常侍王甫求復國計謝錢五千万桓帝遣詔復為

勃海王魏己氏公琮坐於中尚方作禁物貶爵都鄉侯明帝景  
初三年復己氏云

吳齊王奮廢帝徒後廢帝大平三年封為章安侯詔曰齊王奮  
前坐殺吏廢庶人連有赦今獨不見原縱未宜復王何以不侯  
又諸孫兄弟作將列在江渚孤有兄獨爾云有司奏可就拜為  
侯

番高陽王陸下帝之子也初封中山王坐誘逋亡貶封丹水縣  
侯太康初詔復爵有司奏封江陽王武帝曰睦退靜思愆改脩  
其德今有爵土不但以赦江陽險遠其以高陽郡封之乃封為  
高陽王

汝南王亮為楚王瑋所害及瑋誅追復亮爵位喪葬之禮如安

平獻王孚故事廟設軒懸之樂

汝南郡王羨汝南王亮之子永興初為侍中以長沙王文又黨  
為庶人惠帝還洛復羨封為撫軍將軍又以汝南期思西陵益  
其國

齊王冏為長沙王人所害惠帝光熙初追冊曰恣故大司馬齊  
王冏王昔以宗藩穆裔紹世緒于東國作翰許京允鎮靜我王  
室誕率義徒同盟觸澤克成元勳大濟穎東朕用應嘉茂續謂  
篤爾勞俾式先典以疇茲顯懿廓土殊分跨兼吳楚崇禮備物  
寵忝蕭霍庶憑翼戴之重永隆邦家之望而恭德不逮取侮二  
方有司過舉致王于戮古人有言曰用其法猶思其人况王公  
濟朕身勲存社稷追惟既往有悼於厥心哉今復王本封命嗣

子還紹厥緒禮秩典度一如舊制使持節大鴻臚即暮賜策祠  
以大牢魂而有靈祇奉朕命肆寧爾心嘉茲寵榮子超嗣爵永  
嘉中懷帝下詔重述問唱義元勳還贈大司馬加侍中段節追  
謚

成都王穎既死沒桑載穎棺於軍每事啓靈以行軍令桑敗棄  
棺於故井中穎故臣收之改葬於洛陽懷帝加以縣王禮

東安王繇以專行誅賞兄澹因隙譖之汝南王亮惑其說免繇  
官以公就第生有悖言廢徙帶方惠帝永康初徵繇復封後遭  
母喪在節勸成都王穎解兵為穎所害永寧元年九月追復其  
爵

河間王顥安平獻王孚孫為南陽王模使人扼殺之成帝咸和

六年六月復顥爵位

棘陽王竒義陽王望孫望薨竒襲坐遣三部吏到交廣商貨為  
有司所奏武帝大康九年詔貶為三縱亭侯後復立為棘陽王  
東萊王蕤齊王冏兄冏輔政蕤與左衛將軍王輿謀共廢冏事  
蕤免為庶人尋詔徙蕤上庸後封微陽侯上庸內史陳鍾承冏  
旨害蕤冏死詔誅鍾復蕤封改莖以王禮

吳王宴武帝子與兄淮南王允共攻趙王倫貶宴為賓徒縣王  
後徙封代王倫誅復本封

武陵王晞為大宰為桓溫所忌逼新蔡王晃自誣與晞及晞子  
綜等謀逆請誅之簡文帝不許溫奏徙新安郡家悉徙之大元  
六年晞卒孝武帝三日臨于西堂詔曰感惟摧慟便奉迎靈柩

并改移妃應氏及故世子梁王諸喪家屬悉還復下詔曰故前  
武陵王休自皇極剋己思愆仰惟先朝仁宥之旨豈可情理靡  
寄其追封新寧郡王邑一千戶十二年追復晞武陵國王

梁王璿晞子出繼梁王翹與父晞俱廢薨子融嗣孝武大元中  
復國

宋廬陵王義真高祖子也少帝失德徐羨之等密謀廢立則次  
第應在義真以義真輕眇不任主社稷因其與少帝不協乃奏  
廢為庶人徙新安郡景平二年六月羨之等遣使殺於徙所文  
帝元嘉元年八月詔曰前廬陵王靈柩在遠國封墮替感惟摧  
慟情若貫割王休自天極地戚屬尊豈可令情禮永淪始終無  
寄可追復先封特遣奉迎并孫脩華謝妃一時俱還言增摧哽

三年正月誅徐羨之傅亮等是日詔曰故廬陵王含章履正英  
哲自然道心內昭徽風遐被遭時多難志立權逼天未悔禍運  
鍾也險群凶肆醜專竊國柄禍心潛構累生不圖朕每永念讐  
耻含庸內納尊養奸慝情禮未申今王道既孚政刑始判宜昭  
國章於是乎在可追崇侍中大將軍王如故庶慰克魂少申悲  
憤江夏王義恭高祖子也為前廢帝所害太宗定亂令書曰故  
中書監大宰領大尉錄尚書事江夏王道性淵深睿鑒通遠  
樹聲列藩宣風鉉德位隆姬輔任屬負圖勤勞國家方熙託  
付之重盡心毗導永融雍穆之化而凶醜忌威奄加克害夷戮  
有暴殞突無聞憤達幽明痛貫朝野朕蒙險在難克哀莫申幸  
賴宗社之靈克纂祈天之祚仰惟勲威震慟厥心昔梁王微庸

警蹕備禮東平好善黃屋在御况公德猷引懋彝典未殊者哉  
可追崇使持節侍中都督中外諸軍事丞相領大尉中書兼錄  
尚書事如故給九旒鸞輅虎賁班劍百人前後部羽荷鼓吹輜  
輶車

安隆王叡江夏王義恭子也為元凶所害孝武大明二年追  
封安隆王追謚宣王

贈江夏王伯禽亦義恭子也伯禽官輔國將軍為前廢所  
害謚曰哀世子又追贈江夏王改謚曰愍伯

始平王子鸞孝武之子孝武諸子多為前廢帝素疾子鸞有  
寵遣使賜死同生弟妹並及死明帝即位詔曰夫紆克申痛  
雖往必追緣情惻愛感事彌遠故使持節都督南徐州諸

軍事撫軍南徐州刺史新安王子鸞夙表成器早延殊寵方  
樹美業克光藩維而凶心肆忌奄罹橫禍興言永傷有歎  
常懷且施天秀以雪沉魂可贈使持節侍中都督南徐兗二  
州諸軍事徒南徐州刺史王如故第二皇子子師俱嬰謬  
酷有增酸悼子師復先封為南海王並加徽謚

南齊明帝初輔政所誅諸王及即位復後屬藉各封諸子為  
侯梁長沙元王弟藻武帝普通三年遷領軍將軍加侍  
中六年為軍師將軍興西豐侯正德北伐渦陽輒班師為有  
司所奏免官削爵土七年起為宗正卿八年復封爵

臨賀王正德普通六年逃奔于魏七年又自魏逃歸高祖不之  
過也復其封爵

魏後河間公齊大武時坐事免官爵後為前將軍剋仇池威震  
羌氏復賜爵河間公

襲江陽王繼為青州刺史後入為度支尚書繼在青州之日民  
飢餒為家僮取民女為婦妾又以良人為婢為御史所彈坐免  
官爵靈太后臨朝復繼尚書本封

襲廣陽王深為葛榮所害莊帝追復王爵謚曰忠武

汝陰王天賜為懷朔大將軍坐貪殘怨死削除官爵卒孝文哭  
於思政觀贈本爵葬從王禮謚曰靈王

東平王正為度支尚書又兼宗正卿每有奏請尚書令任城王  
澄時致執奪正剛隘內遂不平澄因是奏正罪狀三十餘條廷  
尉處以死刑詔付八議特加元宥削爵除官孝明孝昌初卒

追復本爵改封濟南王

中山王英為鎮南將軍行揚州梁遣將寇肥梁詔英率眾討之  
英表云可剋後水盛英及諸將狼狽奔退士眾沒者十五六有  
司奏英經竿失圖案劾處死詔恕死為民後復王封邑千戶  
樂陵王思奮為鎮北大將軍及穆泰陰謀不軌思奮知而不告  
恕死削封為庶人孝文大和未復還其王爵

京兆王愉出為冀州刺史謀逆事敗見執徵赴京師至野上  
絕氣而死或云高肇令人殺之後靈太后令愉之四子皆附屬  
藉追封愉臨洮王子寶月乃改葬父母追服三年

奔郡王琛以討鮮于脩禮敗免官爵後討汾晉胡屬卒於  
單追復王爵

北海王詳猷文子也宣武親政尚書高肇譖詳與茹皓等謀  
為逆亂付廷尉治罪詔免為庶人別營坊館如法禁衛限以終  
身詳哭數聲而暴死停殯五載永平元年十月詔曰故大傅北  
海王体自先皇特鍾文愛受遺訓輔冲昧攸託不圖暮節晦德  
終缺哀榮使可追復王封剋日榮厝少慰幽魂以旌陰戚謚  
曰平王

咸陽王禧謀反賜死後孝明王光中復禧王爵葬以王禮

襲趙郡王謚在母喪聽音聲飲戲為御史中尉李平所彈遇赦  
復封

樂良王長命坐殺人賜死除國子忠明帝時復前爵位

襲安樂王鑒為北討大都督討荊葛與都督裴衍共救信都

鑒謀反降葛榮都督源子邕與裴衍圍鑒斬首傳洛詔改姓

元氏莊帝初許復本族又特復鑒王爵贈司空

洛陽王羯都督諸軍討禿髮坐貪暴降爵為公後統河西諸

軍襲蠕蠕至於漢南仍復王爵

魯王靈夔高祖第十九子貞觀五年封魏王十年徙燕王十四

年改封魯王垂拱四年與韓王子黃國公譔結謀起兵事洩流

振州縊死有二子長子清河王詵少子范陽王藹亦為酷吏

所陷神龍元年追復靈夔官爵仍令以禮改葬封藹子道

堅為嗣魯王

江夏王道宗高祖從兄弟之子永徽四年房遺愛伏誅長孫  
無忌褚遂良素與道宗不協上言道宗與遺愛交結配流象州

道宗病卒及無忌遂良得罪乾封元年追復道宗官爵

吳王恪太宗第三子貞觀三年封蜀王十年徙吳王永徽四年房遺愛謀反遂因事誅恪以從衆望子四人仁瑋琨瓊並流于嶺表尋追封恪為鬱林王又封仁為鬱侯

蜀王愔太宗第六子吳王恪之母弟貞觀五年封梁王十年改封蜀王恪既誅措黜為庶人徙巴州尋改為涪陵王咸亨初追復爵土陪葬昭陵謚曰悼封子璠為嗣蜀王

越王貞太宗第八子貞觀五年封濮王十年徙原王尋改封越王垂拱四年貞及其子琅邪王冲坐與韓元嘉吉謀起兵被誅改姓虺氏神龍元年追復爵土與子冲俱復舊姓

紀王慎太宗第十子貞觀五年封申王十年改封紀王垂拱中越王貞將起事慎不肯同謀反及貞敗慎亦下獄臨刑放免改姓虺氏配流嶺表至蒲州而卒中興初追復官爵

澤王上金高宗第三子永徽元年封杞王文明元年封畢王又改澤王永昌元年出為隨州刺史武承嗣使酷吏周興誣告上金謀反召至都恐懼自縊死神龍元年追復上金官爵封庶子義詢為嗣澤王

許王素節高宗第四子永徽二年封雍王尋徙郟王改葛王又進封許王出為舒州刺史與澤王上金同被誣告追赴都縊死則天以庶人禮葬之神龍元年以禮改葬封少子確為嗣許

王  
慶陽王嘉之孫湛弟瑾以謀殺齊文襄王事泄合門伏法湛先

有婢紫光生子法輪齊王矜湛覆滅乃啓原之復其爵土  
襲京兆王大興拜長安鎮大將以贖貨削除官爵後除秘書監  
還復前爵

後周常武公曾邵惠公孫初封譚國公後與晉公護同誅建德  
三年追復封爵常武公

唐巢王元吉高祖第四子武德元年封為齊王九年與太子建  
成謀逆伏誅貞觀元年追封海陵郡王謚曰刺十六年六月又詔  
曰有虞受終引肆赦之典隆周革命篤親親之恩海陵刺王元  
吉地惟藩翰夙承朝寵陷於不軌得罪居親朕嗣膺靈命無忘  
敦睦同生之重既切於本枝在原之悼寔纏於歲月興言泉壤  
思倫寵章可追封巢王謚乃依舊

荆王元景高宗第六子武德二年封為趙王貞觀十年徙封荆  
王永徽三年坐與房遺愛謀反賜死國除後追封沈黎王倫禮  
改葬

韓王元嘉高祖第十一子武德四年封宋王五年徙荆王貞觀  
十年改封韓王垂拱四年則天誅戮宗室諸王不附已者元嘉大  
惧與其子黃公及越王貞父子謀起兵坐誅神龍元年追復王  
封其第五子納為嗣韓王是年二月制王室子孫諸王自垂拱  
以來非命者皆不理殯宜令州縣尋  
求處所以特宥致祭乃追復官爵倫禮改葬其王並令陪葬昭  
獻二陵有嗣者即令承襲無嗣者取近親為後

霍王元吉高祖第十四子武德六年封蜀王八年徙封吳王貞  
觀十年改封霍王垂拱四年坐與韓王元嘉連謀起兵事竟徙  
居黔州至陳倉而死長子緒封江都王坐與裴承光交通被誅

神龍元年並追復爵土封緒孫暉為嗣霍王

舒王元名高祖第十八子貞觀五年封譙王十年徙封舒王永  
昌中與其子豫章王亶俱為丘神勣所陷被殺神龍元年復其  
官爵仍令以禮改葬亶子津為嗣舒王

成王千里吳王恪之長子本名仁封鬱林侯中興初進封成  
王為左金吾衛將軍三年節愍太子謀殺武王思兵敗與其天  
水王禧俱被誅改姓瓊氏景雲元年詔曰故成王千里保國安人  
克成忠義願除凶醜翻陷誅夷永言淪沒良深痛悼宜復舊官  
爵復本姓

歸政郡王俊吳王恪第四子本名境中興初封歸政郡王宗正  
卿坐兄千里事貶南州司馬卒景雲元年追復宗正卿歸正郡

王官爵常山 舊越王貞第二子垂拱中坐與父貞兄冲連謀  
起兵被誅神龍初侍中敬暉等以冲父子翼戴皇家義存社稷  
請伏其官爵武三思令上官昭容代中宗手詔不許開元四年  
詔追復爵土令備禮改葬

棣王琰玄宗第四子也坐二孺人不相叶乃密求巫者書符置于  
琰履中以求媚琰鑒院中官密奏於玄宗玄宗命推問之竟孺  
人也玄宗猶疑琰知情乃囚於鷹狗坊中絕朝請憂悞而  
死代宗寶應元年贈其王位

鄂王瑤玄宗第五子開元二十五年得罪廢寶應元年追復  
光王瑒玄宗第八子也有才力玄宗愛之以母見疏薄常有怨  
言為人所構得罪寶應元年追復

齊王湊穆宗第六子也初封漳王後為鄭注誣告王與宋申錫謀不軌降封巢縣公卒開成三年正月追封為齊王

梁博王友文為庶人友珪所害末帝即位詔曰我國家賞功罰罪必叶朝章報德伸冤敢欺天道苟顯違于法制雖暫滯於歲時終振大綱須歸至理重念大祖帝皇嘗開霸府有事四方迨建皇朝載遷都邑每以主留重務居守難才慎擇親賢方應寄任故博王友文才兼文武識達古今俾分憂於在浚之郊亦共理於興王之地一心無易二紀于茲嘗施惠於士民實有勞於國家去歲郢王友珪常懷逆節已露兇鋒將不利於君親欲竊窺神於噐此際值先皇寢疾大漸日臻博王乃密上封章請嚴宮禁因以萊州刺史授於郢王友珪總覩宣頭俄行大逆豈

有自縱兵於內殿却翻事於東都又矯詔書枉加刑戮仍奪博王封爵又改姓名冤耻兩深誑欺何極伏願上玄垂祐宗社降靈俾中外以叶謀致遐邇之共怒尋平內難獲勦元兇既雪耻於同天且免訊於共國朕方期遁世敢竊臨人遽迫推崇爰膺續嗣冤憤既伸於幽顯需澤宜及於下泉博王且即復官爵仍令有司擇日歸葬

後唐贈太保從棗明帝之諸子也性剛直好客疎財意豁如也天成中為石衛大將軍時安重晦方秉大權從棗亦不之屈重誨常以此忌之明宗幸汴留從棗為大內皇城使一日召賓友於會節園酒酣之後戲登於御榻安重誨奏請誅之詔曰皇城使李從棗朕巡幸汴州使警大內乃全垂委任但恣追遊於

予行從之園頗恣歌歡之會仍施峻法顯辱平人致彼誼譁達於聞聽方當立法固不黨親且貶授房州司戶參軍仍令盡命長與中重誨之得罪也詔復舊官仍贈大保

新刊監本冊府元龜卷第二百九十五

新刊監本冊府元龜卷第二百九十六

宗室部

追封

傳曰慎終追遠民德歸厚矣乃有聯華帝胄齒于宗盟景命弗融遵茲短歷或未極封爵之制或不及光華之旦或遭罹枉橫沉痛載懷或締構艰难勲業靡究繇是舉敦族之義申追命之典以至胙土建國節惠勗名侈尊極之稱弁儲副之號備物典策寵章渥縟斯王者興仁敦睦化下美俗之道又豈止厚親親之息而已哉

後漢建武十五年追謚兄伯升為齊武公兄仲為魯哀公

其年追謚伯升為齊武公

又依本傳

魏蕭懷王熊大祖子早薨黃初二年追封謚蕭懷公大和三年又追進爵為王

鄧哀王冲大祖子建安十三年薨黃初二年追贈謚冲曰鄧哀侯又追號為公大和五年加冲號曰鄧哀王

范陽閔王矩大祖子也早薨無子建安二十二年以樊安公均子敏奉矩後封臨晉侯黃初三年追封謚為范陽閔公五年改封敏范陽王七年徙封旬陽大和六年追進矩號曰范陽閔王

豐愍王昂太祖子也太祖南征烏張繡所害黃初貳年追封曰悼公五年追加號曰豐障王大和叁年愍謚曰愍拒殤王鑠大祖子也早薨大和叁年追封謚曰殤

濟陽懷王珣大祖子也建安拾陸年封西鄉侯早薨大和四年追進爵謚曰懷公陸年又進號曰懷王

廣宗殤公子棘大祖子也早薨大和五年追封謚曰殤公

郿戴公子整大祖子建安貳拾貳年封郿侯叁拾叁年薨黃初貳年追進爵謚曰戴公

靈殤王子京太祖子早薨太和五年追封謚

臨邑殤公子上太祖子早薨太和五年追封謚

剛殤公子勤太祖子早薨太和五年追封謚

樊安公均太祖子建安貳拾貳年封樊侯二十四年薨黃初貳年追進公爵謚曰安

穀城殤公子乘太祖子早薨太和五年追封謚

臣欽若等案裴松之注魏

魏志子以母貴賤為次不武諸計兄弟之年

贊哀王協文帝子早薨太和五年追封謚曰經殤公青龍二年更追改爵謚為王

吳長沙桓王策太帝之兄也漢末為討逆將軍會稽太守帝稱尊號追謚策曰長沙桓王

晉隋穆王整義陽王之子初封清泉侯先父望卒武帝以義陽一縣追封為隋縣王

城陽哀王兆字千秋文帝子年拾歲而夭武帝踐阼詔曰亡弟千秋少聰慧有夙成之質不幸早亡先帝先后特所哀愍每追遺意情懷簡傷於是追加兆詔封謚

遼東悼惠王定國文帝子年叁歲薨咸寧初追加封謚廣陽殤王廣德文帝子年二歲薨咸寧初追加封謚

渤海殤王恢武帝子太康五年薨時年二歲追加封謚南陽王彰愍懷太子永康元年正月薨四月追封臨川獻王郁會稽王道之子也寧康中追封謚

宋臨川王道規高祖少帝也初以起義功封華容縣公後為征西與二南而合德自出臨方鎮入配台階逾勵忠勤益聞周慎實謂永為藩屏以輔邦家曾不愆遺奄為殄沒交于之痛震良深惟王朕之元昆合弁上嗣以朕奉先朝之睿略定社稷之阨危推而不居請予主鬯又承慈旨焉敢固違不然者則宸極之尊豈歸于薄德茂行若此易名是憑自非大號敷副休烈按謚法推功尚德曰讓德性寬柔曰讓皇帝且令所司備

禮冊命冊曰皇帝若曰於戲古者崇德考行猶謚大名慎終  
追遠亦膺徽冊况乃元昆之戚天倫之重豈循常典者哉恣爾  
故大尉寧王憲純粹秉靈冲和成量孝友之性發乎天然仁義  
之道彰乎日用加以好賢不倦樂善有聞休問著於開元清  
猷光於魯衛實謂儀刑邦家保乂藩維景命不融奄從薨  
逝異言震動哀疚纏懷惟王地居元子合膺主鬯昔朕上稟  
先訓克清群兇遂固守撫謙懇讓儲副然則深仁厚德茂行已  
表於生前寶位尊名盛禮寧忘於歿後是用謚王為讓皇帝  
令遣使尚書左丞相耀卿副使大常卿韋縉等持節禮冊因  
心之感備物飾情瞻典策而哀深想棟華而望絕所異幽安  
嘉茲寵榮

申王撝睿宗子開元十二年薨制曰德盛者必享休名道高者  
必膺殊典况人倫之重義切因心天屬之深情殷追遠故司徒  
申王撝睿哲聰明本乎天性溫恭孝友挺自生知樂善好書清  
猷邁於兩猷深仁厚義美化侔於二南可謂具瞻百寮儀形列  
辟朕將永康兆庶方自交于天不憖遺奄從薨逝永惟仁範哀  
動纏懷用表非常之榮少寄天倫之戚可追贈惠莊太子且令  
所司備禮就加冊命陪葬橋陵以禮部尚大將軍義熙八年  
薨追封南郡公高祖受命追封臨川王

新野懷王夷父文帝第十七子也元嘉二十九年薨時年六歲  
泰始五年追加封謚

池陽縣侯懷遠晉熙王昶之子也早卒明帝即位追封池陽縣

侯

齊敬王子羽孝武第十四子也大明三年生當年卒追加封謚  
淮陽思王子霄孝武第二十三子也大明五年生八年薨追加

封謚

南齊衡陽王道度太祖長兄仕至安定太守卒於守世建元  
二年追加封謚

始安貞王道生太祖次兄也來世為奉朝請卒建元元年加封謚  
始安靖王鳳貞王子明帝兄也官至正負即卒於來世明帝建

武元年贈始安靖王

安陸昭侯緬始安貞王之子也永明九年卒明帝建武元年追贈  
梁文宣侯尚之高祖從父也仕齊為步兵校尉卒官天監初追贈

文宣侯尚之子靈均仕齊廣德令高祖義師行至會稽郡事頃  
之卒高祖即位追封東昌縣侯

忠簡侯崇之高祖從父齊永明中為東陽太守時錢瑒瑒之反

崇之遇害天監初追謚

高祖踐阼封崇之子  
吳為吳平侯乃追謚

長沙宣武王懿高祖長兄也仕齊為尚書令東昏時遇害天監  
元年追崇丞相封長沙郡王謚曰宣武

永陽昭王敷高祖次兄也齊建武四年薨高祖即位追封永  
陽郡王謚曰昭

衡陽王暢高祖第四子仕齊至大常封江陵縣侯卒天監元年  
追封衡陽郡王謚曰宣

桂陽王融高祖弟仕齊太子洗馬永元中宣武之難融遇害天

監元年追封桂陽郡王謚曰簡

陳始興王道談高祖兄也仕梁為東宮直閣將軍侯景之亂授臺中中流矢卒紹泰二年追贈義興郡公謚曰昭列高祖受禪重封始興郡王

南康郡王休先高祖母弟梁大清中卒高祖受禪追封南康郡王謚曰忠壯

豫章王長沙王權皆高祖子永定二年追封立謚曰思

後魏高涼王孤平文皇帝子也道武時以孤平勲高祖追封高涼王謚曰神武

順陽王郁桓帝之後也文成時位殿中尚書賜爵順陽公及乙渾專權郁從順德門入欲誅渾渾詹怖遂奉獻文臨朝後復謀殺渾為渾所誅獻文錄郁忠正追贈順陽王謚曰簡

秦明王翰昭武帝子建國十年卒道武即位追贈秦王謚曰明翰子愍王觚使於慕容垂垂止觚道武討中山慕容普麟害觚及平中山追封謚秦愍王

陳留王虔昭成孫登國初封陳留公後慕容寶來攻虔戰沒道武追惜傷慟追謚陳留桓王

江夏王呂道武旅弟初以軍功封江夏公卒贈王爵

淮陵侯大頭烈帝之孫曾文武初封淮陵侯卒贈高平公

河間公齊烈帝玄孫大武時贈爵河間公卒贈王爵

樂陵王胡仁景穆子和平四年三月追封樂陵王

章武王大洛景穆子皇興二年薨追贈征北大將軍章武郡王

謚曰敬

長鄉縣侯提臨淮王譚子大武縣孫也孝武時初為負外郎後詔提從駕南征至洛陽三定遷都之議尋卒以預參遷都功追封長鄉縣侯

提子濟南王昌宣武時復封臨淮王未拜而薨贈齊州刺史謚曰康追改封濟南王

都昌伯誘中山王熙弟也熙起兵誅元又為其長史柳元章等所殺誘被誅後追封都昌縣開國伯謚曰恭

東安王凝弟湛為廷尉少卿莊帝遇害河陰賜征東大將軍青州刺史追封漁陽王

武邑王義興景穆曾孫也初於河陰遇害永安中追封燕郡王

尋改封鉅鹿王又改封昌邑王

陳留王貞孝莊之兄也建義元年六月追封為陳留王

後周郡國惠公顥武帝伯保定元年七月追封郡國公謚曰惠

顥子景公什肥年十五而顥沒後魏永安中太祖入關什肥不

能離母遂往晉陽及太祖定秦隴什肥為齊神武所害追贈大

冢宰襲封郡公謚曰景

杞簡公連武帝伯父追賊定州戰歿保定元年七月追封杞

公謚曰簡

連子烈公元寶為齊神武所害保定初追贈襲杞國公謚曰烈

莒國莊公沼生亦武帝伯父也保定元年七月追封莒公謚曰莊

沼子穆公菩薩為齊神武所害保定初追贈大將軍襲爵謚曰

穆

來國公震文帝子也保定元年七月追封

虞國公仲武帝族祖保定元年十二月封

隋河間公元孫高祖從祖也帝受禪尚書令河間郡公義成縣公鍾葵高祖族祖帝受禪追贈義成縣公

蔡王愨高祖弟也周明帝時賜爵陳留郡後從武帝平齊戰死高祖受禪追封蔡王謚曰景

河間王引高祖從祖弟也為太子大保薨大業六年追封卽王唐鄭王亮高祖從父隋海州刺史武德初追封

畢王章高祖從父仕周梁州刺史謀殺隋文帝事泄被誅高祖即位追封畢王

卽王禕高祖從父武德初追封

蔡王蔚高祖從父武德初追封

西平王安蔚子武德初追封

濟南王哲高祖從兄武德初追封

雍王繪高祖從父武德初追封

河南王贄繪子武德初追封

東平王韶高祖從父武德初追封

梁王澄蜀王湛漢王洪皆高祖兄並早卒武德初追封

衛王玄霸高祖子早薨武德元年追封謚曰懷

楚王智雲高祖子大業末從高祖於河東及義師將起建成潛歸大原以智雲年小委之而去因為吏所薄送於長安為陰世

師所害義寧元年追封楚國公武德元年進封王謚曰哀

寧王憲睿宗長子天寶元年十一月制曰能以位讓為吳太伯存則用成其節歿則當表其名非常之稱旌德斯世故大尉寧王憲誕合粹靈又膺大雅孝弟之至本乎中誠仁和之深非由外獎率由禮度雅尚文儒謙以自牧樂於為善比兩猷而有光書蘇頲為喪葬使京兆尹李休光為副使尚書左丞楊承令為鹵簿使遣侍中攝太尉源乾曜持節冊曰維開元十二年十一月甲申皇帝若曰於戲夫緝禮所以飾情崇所以表德義存追遠愛洽因親惟故司徒申王撫璿極稟靈邦象維翰體孝友以惟和用淳和而合道汴猷受易率以鳴謙河間聚書時其好學加以出為方伯引宣六條入登司徒大敷五教而天則不愆奄薨于行留邸無期同與遂遠興哀痛震動於厥心夫先王演親親之恩春秋著加等之義上嗣之仁飾終斯在且率茂典以永徽猷魂而有靈式昭哀贈

岐王範睿宗子開元十四年薨陪葬橋陵制曰褒崇名器所以尊德也光昭典禮所以飾終也况天倫之愛親親之至乎故太子太傅上柱國岐王範特稟聰明率由孝友好書不倦樂善無忘固已作則列藩儀刑百辟方憑魯衛之政率流雍穆之風豈圖輔德愆期殲良奄及想同氣而莫遂望驂駕而何追言念平生清深震動宜加殊禮之命用寄孔懷之哀可追贈惠文太子薛王業睿宗子開元二十一年薨明年冊贈惠宣太子隋王隆梯睿宗子也初封汝南郡王早薨唐隆元年追贈義

豐即王

光順桂陽郡王守義皆章懷太子賢之子也先天二年二月太上皇誥追封光順為莒王守義為畢王

慶王琮玄宗長子天寶十一載薨贈靖德太子後肅宗元年建寅月詔曰聖人立號天下至公膺其美者必歸有德有其德者或無其位苟微烈可紀則追崇之典行焉况義貴因心禮優加等稽于往策抑有前聞盛業鴻猷久不可替故靖德太子琮慶鍾霄極親則朕兄性與天道行高時望宣慈惠和聰明睿哲四科兼體琮一以貫之而福壽不遐既隨往運緬惟友愛實軫于心朕昔踐儲宮顧誠非次於君人之命所不敢違以少長而言豈忘其序每思懇讓竟莫獲從遂順聖慈嗣茲寶位安可不

深夙志有闕推恩且加尊異之名其茂哀榮之典敬用追謚奉天皇帝妃竇氏曰恭應皇后且委有司即日冊命更以禮葬仍令右僕射晁充使監護少府監豆履信為副

帝王琬玄宗子天寶十四載薨贈靖恭太子

夏王一玄宗子開元五年孩孺薨追封夏王謚曰悼

懷王敏玄宗子開元八年二月薨封懷王謚曰哀

建寧郡王倓肅宗第三子天寶中封肅宗至靈武為張良娣李輔國所搆賜死太宗即位追贈齊王大歷三年五月詔曰故齊王倓承天祚之慶保鴻名之光降志尊賢高才好學藝文博洽智畧宏通斷必之來謀皆先事識無不達理志逾情乃者致盜橫流奎輿南幸先聖以宸扆之戀將恃君親惟王以宗

廟之重誓寧家國克協朕志載符天時立辨群議之非同猷  
五原之計中興之盛實藉奇功景命不竭早從厚安天倫之  
愛震惕良深流涕追封胙于東海傾加表飾未極哀榮夫以參  
舊邦再造之勤成天下一家之業而存未峻其等沒未尊其稱  
非所以旌徽烈明至公也朕以眇身續膺大寶不及讓王之禮  
莫申大弟之私所懷靡從追想愈切非常之命寵錫豈敢追謚景  
天皇帝與信公主第十四女張氏且婚謚曰恭順皇后有司准式  
擇日冊命改葬于順陵仍祔于奉天皇帝廟同殿異室焉

衛王泌肅宗第四子天寶中封西平郡王早薨寶應元年五月  
追封

鄆王榮肅宗第八子天寶中封靈昌郡王早世寶應元年追封

即王

恭懿太子侶肅宗第十二子至德二年封丹王上元元年薨詔  
曰禮厚所以飾終易名所以表行况鍾天屬寵及哀封載疇加  
等之美式備元儲之贈永懷軫念有惻彛章第十二子故丹王  
侶毓慶濟源分華若水天資純孝神假聰明河間聚書幼聞樂  
善之旨延陵聽樂早得知音之妙頃以暫嬰沉瘵殆積旬時而  
資敬益章穎晤逾爽愛親之志言不間於斯頃告訣之詞事  
先符於夢寐顧惟至性實切深衷將禱仕祈珪載崇藩翰聞  
詩對易爰就琢磨方冀成立未虞天喪瑤英始茂遽摧於當  
春隙駟俄延忽沉於厚夜與言痛悼憫惜良深且貴寵於青  
宮俾哀榮於玄窆可贈太子謚曰恭懿

侶薨時七八歲既薨之夕肅宗張后俱夢

昭有如平昔拜辭流涕去而帝力寵疾追念過  
深故特岐儲嗣之正贈寵之上疾累日方平

宋王禧肅宗第十四子早世建中三年正月追封

昭靖太子邈代宗第二子室應元年封鄭王大曆九年薨帝惜  
其才早天冊贈昭靖太子

均王遐代宗第二子早天貞元八年追封

荆王選代宗第十一子早世建中三年追封

靈溪郡王詠昭靖大子第二子大歷十年七月追封

代王誼德宗第八子本封縉雲郡王早薨建中三年正月追封

邕王諒順宗子德宗命之為子貞觀四年封十五年九月薨  
時年十八贈文敬太子

晉王晉敬宗長子大和二年詔曰二者重統紀尊儲貳所以上

嚴國本祇叶禮經睦人倫以正邦典崇丕基而昭彞式其或德  
契元良恩當追命道雖間於存歿義自表於衣衾抑惟旧章用  
摠憫志故開府義同三司晉先帝冢嗣間氣夙鍾孝敬發於  
岐嶷温人形於襁褓剪鞋分社先祝冊於三壚錫土啓藩假  
威尊於上黨朕頃戡內難謬屬與能以王蒞在嬰提事絕推讓  
方期就傳謂致修齡既因犹子之義俾膺主鬯之選天不憖遺  
殲我本枝泣悼永往空餘典禮思樂善而莫報顧卜起而  
何追衎悲良慟此誠無極是用稽諸前訓申我宿愛布曩懷於  
茲日告如在於幽灵式備虛儀曷瘳深痛可贈悼懷太子仍  
令有司擇日備禮追冊

梁永王義方太祖伯父韶王義談太祖叔父開平四年追封

助王存太祖從兄唐乾符中與太祖俱逐黃巢至嶺表中流矢而卒開平四年四月追封

柳王友裕太祖長子唐末為華州節度使守興德戶天祐元年卒開平三年追封

審王友倫太祖兄子唐末為宿衛都指揮使遙領容州節度使因會客擊鞠馬逸墜車而薨開平三年追封

安王友寧太祖兄子唐末遙領邕州節度使昭宗自鳳翔還降詔書以青敎未殄委之攻討友寧進師逼青州青人悉出大戰千石樓王師少却友寧自岷阜馳騎殿將軍馬蹶仆為敵人所及而薨開平三年追封

晉陳王重果高祖子幼亡天福六年五月追封

福王德高祖弟後唐末為沂州馬步軍都指揮使天福初贈大傳七年正月贈大尉追封

通王殷高祖弟天福初贈大傳七年正月贈大尉追封

廣王威高祖弟後唐末為彰聖后第三軍都指揮使長州刺史天福初贈大傳七年正月贈大尉追封

號王重英高祖子天福二年正月贈大保七年正月贈大傳追封

壽王重乂高祖子天福二年權東都留守遇害贈大傳七年正月贈大尉追封

鄭王重裔高祖子天福二年正月贈大保七年正月贈大傳追封

沂王重信高祖子天福二年為河陽節度使遇害贈大尉七年正月贈大師追封

夔王重進高祖子天福二年正月贈大保七年正月贈大傅追封韓王暉高祖弟為曹州防禦使以疾終於官歸葬大原天福八年追封

周郊王侗杞王信皆太祖子乾祐末遇害廣順元年二月詔以故第二子青哥贈太保賜名侗第三子意哥贈司空賜名信顯德四年四月制曰禮以緣情恩以悼往矧在友于之列尤鍾惻愴之思故皇帝贈太保侗贈司空信等玉葉聯芳金莖比瑞屬景運之初啓何大年之不登未剪桐珪建雕棣萼俾予終鮮是動永懷既登叙以無階在疏封而起謚贈其王爵慰我

天倫侗追封郊王信追封杞王

越王誼吳王誠韓王誠皆世宗子

一害廣順元年二

月太祖詔故皇孫三人關隴左驍衛大將軍賜名誼喜哥贈左武衛大將軍賜名誠三哥贈左領衛大將軍賜名誠顯德四年四月制曰父子之道聖賢不忘再思夫闕之瑞愈動悲良之抱故皇子賜左驍衛大將軍誼贈左武衛大將軍誠贈左屯衛大將軍誠等鳳雛龍翰常葆其殊姿玉折蘭摧早罹於非禍載惟往事有足傷懷且增一字之封仍贈三台之秩表吾追念慰乃英灵誼追封越王誠追封韓王誠追封吳王

臣

